



盛明雜劇

山陰子若孟稱舜原本

友人

野君徐翺批點

錦江珂月卓人月重編

林宗沈泰叅評

花舫緣

正名 申女郎一笑相思病

唐伯虎千金花舫緣

楔子

孤領張千上。脩然杖履出塵氛。半世生涯酒一尊。
游衍水邊驚野馬。嘯歌林下應山君。老夫姓沈本

向見子 若製唐 伯虎花 前一笑 雜劇易 奴為傭 書易婢 為養女 十分迴 護反失 英雄本 色珂月

戲爲改
正覺後
來者居
上

貫金陵人也。官居八座之職。目下告病在家。身邊止有二子。老夫則爲性耽山水。每遇春光爛熳。定往姑蘇僑寓幾時。這番却來了半月有餘。今日待欲放船歸去。就同俺夫人們再向金閨門外盪漾一回。咱下王旦上妾身申氏小字慵來。吳興人也。生于閨閣。長有丰姿。我父親因百計蕭條。二喪擔閣。鬻妾于金陵沈八座家爲婢。且喜夫人賢淑。又無小姐禁持。則爲俺女工嫻慣。書史淹通。因此名列青衣。視同愛女。常是款住深閨刺繡。有時命陪

宴坐清談。這兩日只爲老夫人在此遊玩金閨。少不得俺追隨玉趾。今日聞得要放船歸去。哩只是想起俺椿庭久濶。桃信偏迂。似這般呵幾時得箇出頭日子。結我終身。煞是悶人也。

謝氏芳
姿石冢
翔鳳差
堪伯仲

仙呂賞花時。儘着他春山能笑水。能妍有一日春色。闌珊直幾錢。恰花蕊正堪憐。還則怕東風凌賤吹不到繡裯前。

第一齣

正末上小生姓唐名寅字子畏一字伯虎。吳趨里

人也。年甫弱冠，曾中應天解元，名高被謗，坐廢在家。有兩箇結義兄弟，一箇喚做文徵明，號衡山，官至翰林待詔，一箇喚做祝允明，號枝山，官至京兆治中。與小生賦詩飲酒，誼同骨肉。兩日前有柬約小生到閩門外遊宴，須索走一遭者。

雙調新水令。一從辭別蕊珠宮，誤來游塵勞，堪痛詩情真似海，俠氣可成虹。直恁漂蓬待槌碎酸醞甕。

駐馬聽。廿載磨礮，薄命劉蕡，心自懂，五窮搬弄，無緣李廣，數難封。抱奇文，獨自哭秋風。枕殘書，幾遍揆春。

是俠烈
男子口

譚

夢春正永。今日箇愁懷，央及東君送。虛下。

冲末扮文徵明上。自家文徵明，外扮祝允明上。自

家祝允明，文俺兩人自負才華，不可一世。止有吳

趨唐子畏，年少多才，翰墨流傳，夷貊詞章妙絕。古

今俺兩人結為兄弟，月夕花朝，唱酬不徹。昨曾約

他到此同遊，怎還未到。祝遠望堤上，敢是他來也。

末云：却早二兄在也。下船相見科。祝子畏已至，我

們可放船者。文子畏：你看金閩門外，溶溶細浪，淡

淡流雲，是好光景也。

喬牌兒末清溪蘭棹擁陌上香塵重粗絃細管嘈嘈
動怎比得鳴禽聲數種

也
三人坐飲科末二兄我想起半生遭際真堪歎惋

沉醉東風對佳景花嬌柳寵况良朋酒琰詩筒猛提
起命有權才無用說甚麼筆尖兒花蕊崢嶸睡夢裡
飛來蛟與龍赤鳳凰喉間自湧

文子畏莫太傷懷你雖則數載漂零可也出沒的
三春花鳥嘲笑的五湖風月比那坐政事堂的受

用得多也末二兄說得是

攪箏篴吾何痛且盡此杯中拚做箇地上頑仙人間
衰鳳閒看舊樹逞新容可還似舊日吳儂妖寵試遙
望靈巖荒草叢一弔娃宮

末今日之遊有客有酒只少了一件文少那一件

落梅花末空對着花枝茜只少那人面紅癡呆呆三
人傳送霞觴倩誰紅袖捧做新詩没人歌誦

祝好一派香也末正是暗香無覓處日落畫樓西

鴈兒落天邊絳雪濃水上青烟重斜日催將酒典殘

暗香逗得癡魂動。

文今日勝遊，安可不紀，子畏可畫成一幅，題詩其

上，祝這却好。末還讓二兄，文祝相讓末科。

得勝令待畫箇水色與天同，待畫箇青山對酒鍾待

畫箇張緒臨春月，待畫箇西施葬晚風，烟籠好似俺

春愁重，花濃恰如咱醉臉紅。

末作畫并題介，且引數女上，夫人們都在前艙飲

酒，咱們且往後樓眺望一遭，呀，那廂有船來也，船

中許多人簇着箇少年，做甚麼末題畫完，文祝看

云好畫也，念詩介，高臺築近姑蘇城，千年不改姑

蘇名，畫棟雕楹，結羅綺，面面青山如翠屏，吳姬窈

窕稱絕色，誰知一笑傾人國，可憐遺趾俱荒涼，空

林落日寒烟織，妙哉詩也，請飲一大白，持杯勸末

飲科，末擡頭見旦科，旦作畧避科，末持杯背云呀，

那一隻女娘船中有箇青衣，煞是動人也。

沽美酒，猛見箇好姿容，牽女伴笑春風，似向樽前眉

語通暢，好是風流麗種，怎能勾便相從。

旦笑顧末下，末自語異哉異哉，他那里一笑春生

六如畫譜

好生顧盼着我

川撥棹却教我怎形容。白瓊花天上種。難道是綠綺
芳容閃落臨邛。紅線仙踪暫寄軍戎。剗地裏香裾風
送。空留下一癡翁。

末那女子却早去也。知他家住何方。須是別了二
位哥哥。疾忙趕上者。對文祝云。小弟醉也。告退。
文呀。子畏。你今日為何掃興。你往常痛飲狂歌。幾曾
道箇醉字來。末小弟委是病哩。祝你幾曾病來。分
付撐船的。不要泊岸。且自滿滿的斟酒過來者。作

扯淡得妙

灌末末不飲科。小弟實不勝酒力。文恁般呵。便叫

小船送你先去者。末下船科。我醉欲眠。君且去。明

朝有意抱琴來。下祝對文云。子畏今日怪哩。一徑

上了小船。慌張失志。怎的待我。再要他轉來。叫云

子畏。子畏却纔忘了一緊要事。須轉來說了去。末

復上云。有甚事快些說。祝昨日姑蘇臺上。被人拆

去。一根椽。姑蘇城裡。一箇小廝。不見了一條棍。末

枝山好厭人也。別介文扯云。還有一件。適纔不曾

請教。俺口占得一調。與你聽者。當筵撒假。酒珠兒

花方象

小詞作
此險語

幾箇沾牙。隨着衆賓們弄月澆花。他則獨自箇裝
聾做啞。好共反不住的筋如雨下。待歸家。無計可
留他。便做道餓鬼吞針。饒神放假。有恁爭差。未好
不近人情。放我去罷。祝對文云。我們也絮得他勾
了。放他去罷。文放未云。你自回去。我們再向桃花
塢飲酒去也。同下。未吊塢。真箇可厭人也。作望介
那大船還未去遠哩。船家快與我追上者。我想那
女子直恁多情也呵。

收江南。若不是今生應結並頭叢。為甚麼隔窓情意

不勝濃。正放着嬌嬌滴滴兩青瞳。却又早臉紅拚做
箇情癡。阮藉逐香蹤。

但則一件哩。似小生這般打扮。怎生進得他家也
罷。且緊緊隨着他去。看他在何等人家。另作區處
鴛鴦煞。誰家牆裏春光動。咱們胸次春情縱。有心待
美酒羊羔。倚翠偎紅。早辦取掉趣挨光。殷勤隆重。俺
待學薄倖相。如奏一曲單飛鳳。博他箇卓女相從。呀
怎辜負宋玉墻頭至誠種。

第二齣

末小帽青衣上。自那日一徑裡尾着船兒，到此金陵地方，打聽這女郎是沈家使女，上岸之時，飽看了一會眼，睜睜送他入門去了。小生無計可施，只得假作傭奴，向他府中賣身，纔得進他門內。倏忽已經一月，再不見那人。一些動靜，老天、小天、小生，費盡心機，使這樣一箇偷香手段，你也該幫襯我些兒哩。

中呂粉蝶兒。意惹情牽，覓紅塵天涯踏遍。當日箇笑語喧闐，轉眼兒入朱門，扃繡戶，玉人難見。到如今，墻

似青天，怎透得針兒一線。

醉春風。他似銅雀鎖嬋娟。我似天台劉阮空庭寂寂，一春閒心兒裡轉轉幾遍。憂煎幾回胡覷幾番消遣。

想那日我初進這門呵。

迎仙客。排朱戶，竚砌前。庭內無人簾半捲。步兒低身兒閃，還則怕破綻多般故態。渾難掩。

則見那主人走出來也。他問堂下立者何人。我便長跪而言。小子姓唐名畏，家貧無賴，情愿賣身為

活。望弗見。擯。他說看你一表非俗。何一貧至此乎。
且說你來歷者。我便道。

騷情賦
骨似鮑
庚當年

鬪鶴鷄。居住在風月騷壇。更兼那烟花浪苑。也曾共
鐵硯周旋。也會共蠹魚游衍。為漂零落魄。風塵沒面
顏。望誰人拭眼相看。東風把眸子吹酸。柳絮把龐兒
彈遍。

他便說似這般呵。今日便留你在花園。伏侍公子
們讀書。可好麼。俺口兒裡不說。心下思量。這計敢
中了呵。

上小樓。面皮似繭。婚姻如綫。我則向鮫窟收珠。虎穴
求兒。龍殿投絨。宰相憐一霎間。被咱家說騙。好教我
五臟神歡欣無限。

文君自
媒是千
古第一
嫁法伯
虎自鬻
是千古
第一娶
法氣氤

說話間。猛想我生身花柳。落魄江湖。可怎生羈留
此處。知他是醉也。醒也。夢也。覺也。

大帝何
能有權

滿庭芳。這的是浮槎張子布。颿一幅吹到天邊。雖然
到此。還則是這般寂寞呵。害淒涼。只守閒庭院。怎發
付。餓眼饒涎。空覷着嬌簇簇鶯愁。風捲急煎煎蝶護
花殘。難排遣。真箇是情懷可憐。獨自對落紅言。

一會價想着那人呵。

快活三。當日箇盈盈笑靨圓。今日裏望眼想應穿。少不得花枝樓上照孤眠。燕子聞長歎。

呀。悄地裏香風襲人。敢有箇女郎來也。且閃在花下偷覷咱。正旦上自金閨見了那生。好生縈繫。春光荏苒。彈指過矣。每日價被老夫人拘在樓上。好不耐煩。今日老夫人午臥。俺待抽箇空兒。往花園撒悶去咱。行科你看恹恹病蝶。癡同我淺淺垂楊。慘若秋。是好傷感人也。末呀。唐子畏這番有些僥

倖也。

朝天子。紅顏少年照影銀塘畔。眉痕黃淡。穿着素練。與那人呵。意思渾難辨。動魄驚魂。行光一片。抱春愁。花下遣。惹人近。前要人可憐。又怕我孜孜看。

待我衝過去。試認咱。見介且驚避。介那廂是誰來也。未邀揖。介小娘子拜揖。且答拜背云。這人好面善也。末呀。

四邊靜。可正是桃花人面舊日相逢。羣玉山前買笑無錢。驀地親垂盼。芳姿愈妍。這搭裏重相見。

內咳嗽介旦那壁廂公子敢來也。咱回綉房去來。
回顧末下末呀。姐姐，你去了也。呀，公子來也。兩俵
兒扮公子上。胸次無些物，家餘萬斛珠，自能買身
貴，何用半行書。兀那唐畏，你新來此，並不曾使動
着你。今番有一件事，你索小心聽用咱。末不知喚
唐畏那廂使用。公子我要覓一箇吟詩作賦的，你
可曉得麼。末要他則甚。公子俺昨夜席上遇着箇
朋友，拿了春夏秋冬四景，索人題咏。俺便分得春
閨，二公子分得冬閨，一時病發，不曾做得你與俺

賚些禮物，央人做去。末恁般呵，不是唐畏誇口，歌
賦詩詞，畧知一二。公子胡說，你若會呵，怎生來我
家爲奴。末公子不信，請嘗試之。公子就依你說，做
來我看。末寫畢。這是大公子的，這是二公子的。大
公子念科。可怪春光今年偏早，閨中冷落如何好。
因他一去不回來，愁時只是吟芳艸。奈爾奴姑隨
行隨到，其間况味余知道。尋花趁蝶好光陰，何須
步步回頭笑。右春閨一調。二公子念科。寒氣蕭條，
剛風凜冽，薄情何事轉離別。經時不去看梅花，窓

前一樹通開徹，急喚雙鬟爲儂，板折南枝欲寄憑。
誰達對花無語，不勝情天邊。鴈叫添愁絕，右冬閨
一調念畢云：寫到也寫得快，怕還做得欠哩。且待
俺送將去，看他們怎麼說，還有一件切休令老爺
知道。下末恰好又遇着兩箇公子，機會敢是好也。
俺待就兩公子身上安排下一條好計來，則可恨
恰才遇的女郎一句話，也不曾講得，被他們衝散
了。看他臨去回頭，還像有幾分認得我哩。

耍孩兒半晴半雨宜春院，停繡帖凌波慢展，見芳菲

欲謝不禁憐，怪東風空與韶顏。覷了他一身俏影堪
評度，聽了他幾句情詞足牽掛。真堪羨，疑花似霧佩
雨披煙。

兩公子復上方纔那兩首閨詞，拿將出去，外廂人
沒一箇不讚誦，這都是唐畏的功勞也。唐畏俺如
今一刻也少不得你哩。俺與你背地裡結爲兄弟，
與同胞一般待你，可好麼？末小人怎麼當得起公
子，你不要多遜。俺三人就此拜者。同拜介公子且
住，方纔我家爹爹這老頭兒，疑我是倩人做的，明

日要將我鎖禁一室，出題面試，這却怎麼處？**末**這
不打緊，他決不疑着我來，依舊是我做了悄悄的
遞與公子騰者，只是我身上有一件事欲說又止，
介公子你有甚事快對我們說來，不消唧噥。**末**不
瞞公子說，小人一葉飄零，尚未娶妻，意欲告過老
爺歸家去尋一箇配耦，再來伏侍公子，爲此沉吟
耳。公子這怎使得？**末**小人受公子厚恩，委是捨不
得，只是計出無奈。公子你要娶妻，却也何難，俺家
使用了鬟，約有數十餘，隨着你揀一箇待我與爹

娘說配與你咱。**末**背云：這却好了，還不知撞得着
那人否？**回**云：董依尊命。公子向內云：分付家裡丫
鬟，一箇箇打扮齊整，到花園裡來。**內**應云：曉得。**扮**
兩女笑上。東君昨夜報花知，能白能紅最可宜。笑
臉相看似撩客，春情惱亂詎能持。**公子**你們暫退。
女下問**末**如何。

不減楊州水嬉
五煞末一箇呵穠桃樣，一箇呵艷李般，兩邊各逞風
流臉紅的呵，怎比得梅花點額，欺鉛粉白的呵，怎比
得獼髓留痕，似渥丹真堪厭。公子呵，您自去張紅按

板樊素司弦。

又兩女上遲遲日影映東墻。歷落花開滿院香。自

是閒情收不住。花間羞對兩鴛鴦。咱們見了公子

者。公子發放如前問末。這可好麼。末

四煞一箇呵新蒲抽寸葉。一箇呵游絲颺遠天。妖嬈

各自誇身段。短的呵堪為海鵠喉。中婦長的呵好做

防風帳。下娟真堪厭。公子呵您自去矮簷相貯。高柳

遙攀。

又兩女撚花上留仙裙幅水生秋。淺語輕頓不奈

愁閒去。中庭數花朵。逢人佯整玉搔頭。如前科公

子你看真箇愈出愈奇也。末

三煞一箇呵袖兒窄窄裁。一箇呵衫兒綽綽穿。肉多

骨勝難充選。肥的呵玉床怕使楊妃倚。瘦的呵錦幙

難將阿麗牽。真堪厭。公子呵您自去媚猪相對。飛燕

留仙。

兩公子背云。這却怎生好。欲待另尋箇女兒與他。

恐怕聘定了。又不中他意。哦。有了。我家還有箇傭

來。我也常道這女子生得好。又會吟詩作賦。這一

定中他意的，只是我母親愛得他緊，另藏在一箇樓上，喚他不出，不如悄悄地引那唐畏到樓前，偷覷偷覷，他若中意了，自有區處。次云只怕我爹娘不肯。大云俺爹是極怕俺娘的，俺娘畢竟是婦人家，性格俺們將些甜話兒打哄他，怕他不肯。對末倒想得箇人兒，只怕你沒福消受，俺家還有箇妮子，名喚傭來，且是儀容窈窕，筆札精工，只是喚他不出來的，俺先領你看他，一會果若像意呵，就與了你。末可不妨麼？公子不妨不妨，他專在那廂刺繡。

可隨着我來。末

二煞纔知香徑幽，別有春光面。風開柳色危，樓見公子指內介。兀那倚樓的不是也？末背云：果然是那人哩。可憐他鄭玄婢子泥中久，關盼才人樓上淹。真堪羨，但願得鏡兒明贈。煞強似紅拂私聯。

公子果肯替俺做主，休道今生，便是來生，當啣環以報。公子這箇不難，好歹在我身上，你且回書房去，慢慢等者。下末公子去也，俺則望天許下千千拜者。

煞尾從來好事難。這姻緣真箇罕。他分明許遂俺三生願。拚幾夜孤衾閒坐遣。

第三齣

且上。前日到後花園去。見那唐畏進前聲喏。與金閨所見一般無二。又聽的公子詩文。俱是唐畏代筆。敢不這人就是那生。妾若得他爲偶。也不枉了。只不知他爲甚麼做這樣下賤營生。心下好生疑惑。如今季秋天氣。黃葉紛飛。雁行零亂。不由人不傷感也。寶帳玉爐殘。麝冷羅衣金縷暗。塵生。

晚唐雋句

仙呂八聲甘州。西風靜悄。翠帳寒生。春去難追。淒涼無底。頻頻逗起新悲。春絲在帖。如愁縷。暮雨沾窓。似淚揮。得病是相思。憎殺鴛幃。

混江龍。秋光無際。看秋花寂寞。躡躑籬。花枝消瘦。人比花枝見春歸。送不去春前病。恰秋來早。則是害秋思。倦來時斜搥玉枕。擁衣眠。起來時偷勻粉淚。和粧洗。朝朝夜夜。冷冷淒淒。

油葫蘆。鎮日價涼簟沉沉。睡思迷。閉紗窓。鼠晝窺。恰纔箇夢中相見。了好多時。一回羞臉藏無計。一回笑。

靨偏多媚。正盤桓。忘別去。猛跳醒。又分離。問誰行。生
喚奴。奴起。吓原來。是女墻下。一莎雞。

天下樂。囑付您。墻下哥哥。莫亂啼啼。時甚意見。

早難道。恁微蟲一般。有所思。我思量。已是癡您。愁煩
為甚的。恨只恨。兩愁人。偏做一處棲。

咳。這半晌好倦也。作倚科。一女上好笑。俺公子生

死。要將慵來姐。嫁與唐畏。俺夫人始初也不肯。被

公子每日價。央及不過。又贖上唐畏。許多好處。俺

夫人不好推却。只說道。也要問這丫頭的意思。如

何。俺如今領了夫人公子的命。對姐姐說去。來時

公子又背地叮囑我。許了偌多賞賜。與我攛掇圓

成。俺曉得姐姐早看上了。那人只怕直對他。說他

倒有許多假哩。且將幾句話兒逗他。呀。門兒靜掩

在此。看他做些甚麼。且長吁科。

那叱令。有一日。見春舟。詠詩羨。飄飄繡衣。有一日。遇

花園。俊姿掛。纍纍賤。綈俺瞳神不移。他行藏太奇。虛

浮浮沒住居。杳茫茫。瞞名氏。葫蘆提。怎放愁眉。

鵲踏枝。雖則是在堦墀。還則似隔天涯。眼色空調心

事難期。他丰致似垂楊拂水。俺情懷似柳絮風吹。

女入見科。姐姐你兀自想那人哩。且問你那人有

甚好處。只管想他。且罷了。俺意見怎瞞得你。若問

那生呵。

寄生草。他須是風流客。錦繡姿。灌園陳仲驕齊士。當

壚司馬驚天子。傭春梁子居吳地。他待學當時三箇

丈夫賢。我也做得過他們三箇閨中事。

女。他人。才雖好也。則一貧如洗。怕沒有強似他的。

且

六么序。笑世上婚新貴。嫁富兒。據着他一段丰姿。滿

腹才思。煞強似偌大家私。再休說揀名門一例相隨。

還只怕今生薄福無滋味。枉思量才色雙宜。若能勾

薦蘿松栢相緣綴。有心待繙書賭茗。舉案齊眉。

女云。這意見。咱也知道。只是你又不曉得那人踪

跡。平白地。害這樣寡相思。莫非看差了人也。且

么。似這般相思。真癡風也難吹。劍也難施。人也難窺。

我也難知。分明在門庭。居止反教咱。夢魂兒別處飛。

向日箇水上。逢伊似交甫。陳思今日箇。牆內憐伊似。

筆尖頭
能為雲
為雨縹
渺生寒

韓壽元微一弄兒鬼病相貽。到頭來絲牽繩繫。知何地做盡了柳泣花啼。多應是宿世情緣滯。少不得青春多恨。料還咱白首相携。

女間話這一晌。倒忘了一件正事。奴家此來。特爲報喜。且喜甚的。女就是那人。公子要與姐姐爲媒。哩。且啐。你見我恁地。聞我要來。女你不信呵。就賭箇咒來。若無此話。教我卽世裡不見丈夫。且恁的呵。說與我聽。咱女自來公子文字。都是那人代筆。外廂人都知道。只瞞了老爺一箇。如今要回去做

親。公子百計留他不住。對夫人行說。把姐姐許了他。目下就要成親哩。且這却怎麼使得。我肯了呵。怕老爺見責。女休假乖。趁老爺下鄉去了。快做了親。老爺回來時。只推却夫人便了。我覆公子話去。你快到繡房中梳洗。咱推且下女看他好喜也。俺昨日花園中被那生奚落了。一番今日教他伏俺口氣兒。公子同末上。魯說了麼。女世上無白使的人。却好這般容易。末恁般呵。多將金帛酬你。女誰要來。末再不呵。告過公子。將你做了陪嫁。女誰和

你播風話公子也罷待他成了親多拜你幾拜便

了吉日良時快請姐姐來者女下同數女推香上

大公子我便做了主婿你便做了擯相次公子贊

禮科末且拜科且

村里迓鼓霎時間勾除情債捻沙般團成姻契也不

用一卮淡酒一杯清茗一人媒使都則是蜂尾穿針

游絲做線百花為主借蝶粉取鶯梭備香奩成嫁事

愁病鬼看看去矣

公子我們索回避恁兩箇趁早做了親者全下末

不有實
甫何況
漢卿

小生自見姐姐魂夢為勞誰料得有今日且妾之

配君實有天緣君非金閨所見者乎末然也且君

士人也何自賤若此生感卿一笑特地遠來且

元和令又不是長安街輕薄兒却緣何來到此果為

咱花前一笑特追隨這殷勤難得你不枉了終宵鐵

被自支持共燈花玉筯垂

且且問你既是書生可曾應舉麼末不瞞姐姐說

小生不是唐畏本貫吳趨里人名寅字子畏別字

伯虎者是也且驚云呀原來是唐解元妾自幼讀

君詩詞便曉得是江南第一風流才子今日何幸
得諧姻配再作拜科

後庭花休道是恁風流俏臉兒則普天下種情人怎
似伊你那東皇有意催花發我呵怎惜這春風第一
枝你名兒長留心裡誰料今生相會奇長則是念您
詞看您詩說風流說才子不是咱俊眼兒怎能勾
船中窺破你

使俗人
捉筆便

柳葉兒衣衫上蛛絲賀喜喜相逢在此良時每日價
黃花紅葉看成淚從今後花催酒葉裁詩把閒愁賣

要作往
日相思

與天涯

一旦拋
之句矣

末小生潦倒風塵約已數載何物女子能干風塵

那得如
許蘊藉

中識名士且你在此半載俺主人空做箇戴烏紗
的相公反不如我這着青衣的侍女會識人物可
不羞死了他

青哥兒方信道塵埃塵埃識士對傍人怎生怎生傳
示看野雀翩翩混鷺鷥龍子依稀魚隊焉知鴻鵠真
奇燕雀空癡有眼難欺只笑那世間人冷如灰昏如
眯

末。既然與你成就姻緣，我也不能久居此地。數日間便要回去，我留下別啓一封，謝你主人，還有親筆書畫數十幅，價值千金，權爲聘你之資。這也寫在書內，待他歸家，問起我時，你可將書付他。他這一說，非同小可也。

賺煞。休歌小艷詞，不用相思字。只這一笑呵，寫不盡笑中情。旨生受了傷心無限事，博今朝鸞影雙棲。笑嘻嘻，自倚呆愚，問何日相將一處歸。過百花廢基，歷採香荒址，再尋那畫船中一笑影蹤兒。

第四齣

文祝乘舟上文草變黃山曲祝花飛清渭流文途遙日向夕祝時晚鬢先秋我祝允明是也文我文徵明是也則爲黃花撩眼紅葉可人約同枝山買棹入金陵一望長江秋色你看一路行來好一派光景也

雙調新水令。望中烟樹秣陵賒。空故國山川千疊曉。雲濃山色紫，暮雨急江潮咽。四顧寥絕，看帆影如秋葉。

想俺兩人呵

步步嬌。酒俠詩魔。半世也儘胸中滿貯閒風月。愁懷都棄捨。水國山家隨處的歇。便踏遍九重闕也。算做夢裡尋花蝶。

俺和你共唐子畏。自金閨別後。經今半載有餘。幾遍訪他家中。道是那日去了。不曾回來。想他那日席上光景。比往常大是不同。今又一往漂零。好怪人也。

落梅風。相見時飄紅雨。又別後吹黃雪。蚤是俺弟兄

們轉燈般。幾曾離別。半年來吳門舊事如燕越。影迷

離雁行明滅。

余湖大江抵石頭每獲快句始信文人不可無子長遊興

你看長江光景。比金閨大不同哩。金閨雖好。終帶些脂香粉氣。似這楊子江頭。可正是銅將軍鐵綽板。猶不失英雄本色也。

喬牌兒。耳邊廂鳳簫拋下者。眼梢頭鸞袖都收拾。波濤漂洗癡蘭麝。可正是英雄的風氣別。

度東源。平如掌。矯似蛇。煙波萬里胸中瀉。水色呵削芙蓉。鏌鋣水聲呵響輕雷。小車水紋呵感秋雲。衣褶

望金蕉似鳧影點銀濤近危磯看燕子飛春社

〔祝〕你看那隻船上來的好似子畏兄弟也〔末〕巾服

乘舟上呀那船上的好似枝山衡山兩哥哥也〔祝〕

果然是子畏快過船來〔末〕過舟相見〔末〕舟先下文

祝弟你好怪也自那日金閶門外別後那一日不

問你來你却爲何打這裡走〔末〕我從金陵來〔祝〕做

甚勾當〔末〕不瞞哥哥說當日同遊金閶見一女郎

笑而顧我故來此耳〔祝〕怪道那日不肯飲酒哩且

問你到得他家麼〔末〕他原是沈八座家侍女被我

假做一箇奚奴賺了他〔文〕畢竟怎麼得成就來〔末〕

一言難盡小弟用了許多心力方纔十日之前幸

得他公子撮合成親〔文〕你好駿也

風入松 當日箇酒闌紅日正西斜却原來魂逐七香

車他隔船雙眼明似雪你寸腸兒比烟柳千結這段

情緣笑絕俏唐郎手段啣嚙

子畏我猛記起一事來前歲那婁江女子作書招

你中秋爲期你却爲俗子所窺冒往被殺今日這

頭事煞不比往事也

插入此
事妙絕

甜水令可憐他一代嬌娥。半生心事，數行紅葉，姻事沒些些，似這般一笑相期。半載僑居，數日驕奢。比將來緣分誰賒。

祝既如此，却怎生得出來。末被我留下別書一封，字畫十餘幅，約值千金。聊代買婢之資。我自來了也。祝你出來幾日哩。末出來已數日，只因半年愁悶，不曾了得遊債，所以今日纔理歸舟耳。文

折桂令是三生風流宿業，兩下勾牽，一樣磨滅。想你們短嘆長嗟，捱寒度熱，經過了三秋三月，盼不到雙

俚雙貼蛩語悲切，雁字吹斜。這段愁懷，真箇難說。

我有箇古人比方與你聽者。

水仙子有一箇灌園的私縮同心結，有一箇給事平陽。將衛媼惹爲奴的慣，用這風流訣。還有箇仙人比你哩。鎚葵犬飛峻堞，崑崙奴是箇豪傑。你可也不爲千牛去，何須劍術遮輕脚，出花朵來也。

張千上：俺主人只爲見了唐解元別書，心下好生不安。如今打疊粧奩，自送慵來姐，來吳中請罪。我們冷眼兒覷見那隻小船中一人，恰好是唐解元。

模樣不免喚住問咱叫介兀那船上沒有唐解元

相公麼祝出問介有便怎麼張千如前說介祝轉

介子畏早則喜也孤領正旦上恰好在江中相遇

便可邀解元過大船相聚者末文祝同過船相見

科文祝舟先下孤原來文祝兩位大人同在此唐

先生則被你瞞殺下官也文笑背介這老兒好一

場沒趣也祝指旦這妮子真箇是驚人艷也

雁兒落文指末您權時龍作蛇指孤您錯認蜂為蝶

俺這子畏兄弟配上你家女郎呵休猜做非烟少女

情只疑是弱柳王孫借

孤這話休題也老夫夙慕唐先生才名蓋世僥倖

相隨了半年可痛飲盡醉一來贖當日之罪一來

賀今日之喜文這却好也同生飲科

得勝令虛飄飄舊事難留曉笑吟吟新喜初生頰醉

醺醺滿把金甌瀉艷騰騰遙看香篆斜傷嗟幾年悶

掩花間榭懽懽今夜同吟枝上月

祝對末想你當初從金闈舟上得箇采頭兒今日

又在大江舟上完聚直恁的與舟上有緣哩文子

畏你常自稱普救寺掌婚主者今日我們呵可不
是花舫氤氳使麼衆笑科文

沽美酒飲倦也覓狼藉歌發也行雲咽舞袖翩翩俏
影奢暢團團此夜銀燭盡正天斜

孤先別介分付管事的好生護送解元歸吳中去
俺自另買箇船兒回去咱下末就此放船歸吳趨

者文江上秋光佳人春色子畏好樂也我們奉你

一杯

太平令俏佳人神如冰雪俊才子筆走龍蛇菱花前

雙眉巧設松枝下同心永結非耶是耶雲耶雨耶女
媧皇補就相思天缺

收江南望江中紅浪涵香月看杯中紅酒留香頰想
衾中紅蕋棲香蝶拚一世癡邪怕甚麼無端風雨將
春截

隨尾情花意蕋難銷謝是前生種得些些則看他一
時覷着箇有心的傲殺那半世相隨薄情者

盛明雜劇

武林

野君徐

翹編

君則沈一騶

珂月卓人月評

孟敬朱煒

閱

春波影

正目

楊夫人好護廣陵花

馮家郎村殺風流品

老尼姑慧識少年亾

小青孃情死春波影

楔子

卜兒扮老尼上貧道乃芙蓉城仙尼是也看這塵凡世界暗洞洞地都在黑漆籠中也有那有才無

不知何以置我

一二語 冷却才 人多少 駭頭但 恐天上 無不識 字神仙 又未必 才人心 服

命的也有那有命無才的怎得個明眼人一些些

觀破前日貧道偶從揚州經過見個妮子年可十

歲喚做小青貧道授他一卷心經再過了一覆之

不失一字貧道曾對他家說是兒早慧福薄當乞

作弟子便不呵無令識字可三十年活耳呵呵呵

他們還疑是方外妖言那裏知道咱

賞花時只看他滿眼聰明照着空暢好是瘦軟花枝

怯曉風那裏討久住的好儀容還笑俺妖言惑眾也

不想幾年紅

么大古是好醜賢愚一網中把枝上春光儘紙封有

時節再相逢信咱是識輕知重我且返芙蓉城去也

待做箇雲去鶴無蹤

第一齣

淨扮馮子虛上小生馮子虛是也忝列衣冠喬擔

風月因此這些朋友都喚我倘秀才近來取得箇

維揚麗人耐耐寒荆不減柳氏小生只得權做季

常暫置南樓早去請姑娘楊夫人與表妹小六娘

伴他幾日待我再作想頭今夜恰好是上元往朋

友家喫幾盃煖房酒看燈去者下

副旦扮楊夫人旦兒扮小六娘同上楊云老身楊

夫人這女兒小六娘爲侄兒馮二郎娶得個偏房

暫居別館他是個新人也消得個溫存他的因此

侄兒屢次着人來請我我爲家中有事自前日來

了不曾去看他今早又打發兩乘車兒接我看燈

只索同小六娘走一遭者下

正旦扮小青艷服上妾身馮小青是也名曰玄玄

生長維揚年可二八耽于吟咏曾解琴棋新來遠

大娘不妬
六自難堪

嫁武林馮生他是個豪公子性兒有些嘈雜憨跳

更兼大娘子奇妬異常咳想着我老母漂零僅有

阿秦可伴小星慚愧真如虎豹同游煞是悶人也

今日聞得馮郎去請楊夫人小六娘來看我爲何

此時還沒有來楊夫人小六娘上楊絕樣繁華塞

路衢綺羅香裏鬪珊瑚小遊人到處誇金谷不道

梁家有綠珠相見介楊云小青娘好清幽也旦妾

身渴候夫人小姐到來共盼街頭燈火借他喧熱

解我淒涼小小青娘可是看得揚州燈厭了也要

索箇杭州燈兒換換眼睛我們上樓去咱衆上樓
介好閃爍的燈光也

新水令旦六街燈火半梅花浸風流月盤高掛笙簫
醒醉眼爆竹逐棲鴉內作笑聲介笑語誼譁敢則是
賞元宵酒盃發

小小青娘你看畫屏中妖嬈兒倚風獨盼恍惚有
思正好比着姐姐哩

駐馬聽旦浪指閒牙剛道是畫屏女子風流殺高燒
銀蠟微微嬌臉襯燈花便做道風前情思亂如麻甚

的是眼前光景皆如畫問誰家春思發縹緲垂簾下

旦我還有一箇比着你哩小是誰旦那那那執拂

姣鬟偷近郎側將無是你乎楊小青娘忒應酬得
快也

人面桃花看得
直恁閒冷

殿前歡旦俺那裏識些些祇不過月中影子水中花
看嬌癡宛轉春無價豈惹含葩曉風催欲放咱輕恣
倒輕欵洽執小手介俺與你執手纏綿話兩般情緒
一樣根芽

內吹打介楊夜色漸幽笙歌正熱此際不知多少

佳人才子相逢有緣哩。小世間有幾個霍小玉也。
旦咳。只曉得墜釵的小玉。那曉得賣釵的小玉也。
呵。

掛玉鈎。一枝疎影正橫斜。紫玉枝頭掛剗地裏。燕來
燕去。鬢鬆鴉逗起姻緣話。可惜他後來呵。巧不逢橋
難駕。說甚舊日般風情。只落得多少咨嗟。

內打三鼓介。楊呀。恰早三更也。我們回去咱。
旦還

早哩。小小青娘。今夜之遊。比着你廣陵時節爭多。
旦咳。若提起二十四橋明月夜。只恨我玉人何處。

教吹簫

雁兒落。端的是古揚州。風物華到做了舊錢塘。燈月
夜。愛的是後庭歌。喜的是今宵話。

楊馮郎爲何此時還沒有來。小青娘可也候得不
耐煩哩。

得勝令。旦知他箇玩仙燈在那家。敢只是向章臺還
走馬。夜深沉風露幽燈掩映清輝刮。小母親俺家去

也。且指小唱。你可也思家。穩倩取妝偷卸。楊我們去
罷。馮郎也。只在此時便回。旦冤家。恰歸來。月已斜。

不減會
真記斜
月晶瑩
幽輝半
床

小小青娘聞得你長于詞句、今夜恁般佳景、不賦彩毫、也是缺典、**旦**此時夜闌人倦、那有這樣心情、妾有舊稿一編、慢慢奉教、

鴛鴦煞那里討九天咳唾珍珠灑、止不過筆興兒點、染詩中畫、閑着這燈下笙歌、月底琵琶、徹曙纏綿半宵、禁架掩上了樓際窻紗、推出那嫦娥罵忽忽地剩酒、殘茶、您可肯趁鷄鳴喚咱同下了榻、**下**

第二齣

搽旦扮馮二娘上自家馮二娘是也馮家郎素心

頑劣從俺過門之後、漸漸伏手伏腳、憑他鐵石般的剛強男子、也逃不過蛇蝎般的狠毒婦人、可恨丈夫買得一朶廣陵花、便要撇開我這道地貨、數日前還再三瞞我、偷貯南樓、被我百般打聽出來、一霎價取他家中同住、要得這薄倖郎、看來眼去、好像極和尚、見了燒香的婦人、心裡熱眼裡花、只是不敢啟口、弄得這妖精婦影、隻形單、又像箇臭糞缸、撞着愛潔的浪子、看得清、走得遠、只是沒的沾身、若還一些兒誤違家法、准備着一套兒跌打

施行任從他要死要生、我只做不聞不見、今日楊夫人邀我西湖耍子、若畱這賤人在家、恰好縱容他做些勾當、不如帶了同去、下

楊夫人領張千梅香上云、今日初春天氣、早去請馮二娘、小青娘湖上耍子、此時將到、張千可曾完備酒船否、千云一隻大樓船、兩桌精細下飯、完備多時、夫人且在問水亭候了馮家轎子、同下船罷、

馮二娘、小青上、旦楊夫人已在亭子邊、大娘上前相見、咱見介楊甚時節出門的、恰好同到、馮怕夫

人候久、急急起身、嘴上胭脂都不曾搽得、頂上分的心還是歪的、旦小六娘怎的不來、楊他身弱多

病、近日回家去也、旦原來如此、船上云、夫人沒有甚麼人了、開船去罷、楊二娘請登舟、須仔細、咱、馮

不妨得、我的脚在肩膀上、閣慣的好不穩便、衆作下、船介、船家請問楊夫人、還是撐到湖心亭、昭慶

淨慈、西陵橋、岳墳去、旦西陵却也幽雅、楊這等就往西陵橋去、一邊開船、梅香一邊斟酒、作開船衆

飲酒介

鬪鷓鴣。楊花信風催。春郊興起。畫舫浮空。紋波徹底。山辨南北。湖分外裏。俺和你放青睞。映綠醕。暢好是滿眼風光。二三伴侶。

杜默笑頂
王之廟小
有洗蘇
小三堂
同利
國

馮早是西陵橋也。上岬去步一回兒。眾上岬介。楊指介。小青娘。這便是蘇小的墓。旦背嘆介。咳。一代佳人。荒索至此。梅香姐。借我一杯酒兒。梅遞酒。且澆墓介。西陵芳草。騎麟麟。內信傳來。喚踏春杯酒。自澆蘇小墓。可知妾是意中人。楊扯旦介。小青娘。好沒要緊也。

紫花兒序。雖則是白花紫。玉綠慘紅愁。青草黃泥你。怎把踏春情況來做他。澆墓因依休癡。你可也十分愁悶。索要減九分兒。撇向這兩湖煙際。一處處笑語開懷。一椿椿觸景畱題。

馮楊夫人。我們下船再飲幾杯。下船開船介。梅呀。那堤上一班少年郎。騎着疋胭脂馬。跑將來也。馮還有個打彈的。撲地裡打落個黃鶯兒。有趣。旦低頭嘿坐介。楊小青娘。怎不出聲也。

金蕉葉。兀的是心慵意迷。只不把言辭浪擲。誰似你

千嬌百媚。怎不露出些春花秋實。

梅香拿巨觴過來送馮二娘滿盃。馮作辭介。楊連

勸三杯介。馮作倦介。我醉了也。倚桌睡介。楊起介。

調笑令。楊他頃刻玉山頽。你酒入愁腸。渾不醉。小青

娘。你前日教我這盤玉欄杆變局。却又忘了船中再

一手談何如。旦夫人。我今日的心。那比得前日的心。

來。楊少年家慣學的。啾啾幾能勾賞心樂意。楊扯旦

行介。且索向小樓頭。水光雲影慢慢的收拾春期。

楊撫旦背介。小青娘。你看好光景。可惜何自苦。乃

爾豈不聞章臺柳。亦倚紅樓。盼韓郎。走馬而子作

蒲團空觀着。甚麼緊。旦妾豈不知。只是賈平章劍

鋒不是當耍的。楊微笑介。平章劍鈍。女平章乃利

害耳。

鬼三台。覷着那刀頭利。防範着春纖謎。您空房寥寂。

向黃昏。一盞黯燈移。怎忍照見這些兒情緒。我則怕

海棠紅。霎時擔閣起碧桃花。霎時撩亂飛。那其間方

怪道有限青春無情白日。

還有一件。你才韻色色無雙。豈當墮羅刹國中。我

晚風殘
月忒煞
無情

雖非女俠，力能脫子火坑。頃言章臺事，子非會心人耶？天下豈少韓君平，且彼視子去，拔一眼中釘耳。縱能容子，子遂向黨將軍帳下，作羔酒侍兒乎？

旦夫人休矣，吾幼夢手折一花，隨風片片着水，命止此矣。夙業未了，又生他想，彼冥曹姻緣簿，非吾如意珠，徒供羣口畫描耳。

楊子言亦是。

禿廝兒原不比和新詩的，非煙侍女怎做得識英雄的。執拂歌姬怕守，不過年年春信到，茶蘼寬褪着薄羅衣香肌。

我不能勾時時看你，旦暮所須第來告我。若是他好言飲食，汝千萬顧慮咱。

旦泣介：多感夫人，視同骨肉。楊再若要甚消愁解悶的書呵，也須告我。我看你性愛書史，恐馮郎處未必有的應手哩。

旦聽此千言萬語，只恨長相思，久別離耳。

聖藥王楊恨別離，意慘悽。爲問蘇家楊柳幾千株，舊事迷。今事非好，花開落任封姨。些個事久常宜。

旦怕大娘醒來尋問，下樓去咱。

麻郎兒楊酌量你九不如意，忍着性做矮裝低看章。

臺柳色依依恨少個人兒姓許

馮作醒介楊二娘可還飲麼馮宿酒未除焉能復

進小青與我送楊夫人大觥旦送介楊小青娘大

家同飲一杯者

絡絲娘咱雖不是醉西施東窓嬌倚也要把酒帘兒
繡個春旗到不如斟下深杯吞了些閒趣落得箇除
憂慮

旦臨水影語介咳波鏡澄空照出一般瘦影眉山

鎖結難銷兩頰愁容煞可憐人也梅小青娘說甚

可憐
抱似影
如烟入
投胎

來且低頭作悶態介

小桃紅楊忽聽得臨波細語蹙雙眉幾見你到處含
愁意你付與東流流不去空自將怨粉堆俏風情混
着愁滋味不見那桃含柳款又早是雪消梅廢悶懨
懨韶光捱盡只須臾

馮二娘我們今日遊了湖改日還同去天竺走一

遭馮楊夫人我正要請教你吾聞西方佛無量而

世多專禮大士却是為何且低白以其慈悲耳馮

笑云是了是了吾當慈悲汝楊二娘既有此心你

東世佛性
何能淺以天
士然不自掩
飾比之
才同口孔
在焉為

家有孤山別業，何不送小青娘在那里住住。馮且看且看。

天淨沙。楊肯介。猛提起慈悲一語，中藏着無限心機。轉介二娘。你須洒却楊枝露水，向白毫光裏。大家合掌阿彌。

張千到湧金門了，請夫人上岬。

綿搭絮。楊踏春的今朝歸晚，愛月的昨夜眠遲。四季歌聲兩山雲氣待收，拾滿面春風入絳幃。却趁那柳外樓高，夜色迷。唱道是雲淡星稀，有心情醉西湖醉。

西湖明後日

內叫介。那一隻是楊夫人的船，我們是來接馮二娘的。張千你們打轎在問水亭伺候。馮別介打攪夫人實為不當。楊說那裡話。小青娘你好生伴二娘歸去者。馮小下楊咳，我看這小青在大娘子面前，好不如意。他有恁般才思，落在恁般窈窕中。

尾聲。禁不住妬花風雨，春頰氣冷，眼兒覷着個俏人。風致則看他今日價悶悶的歸，少不得明日價懶懶的起的。

楊柳
夫人手筆在
元人之
上

第三齣

淨扮陳嫗上

少年不快樂、老大徒傷悲、老身姓陳、

日逐在楊奶奶家走動、楊奶奶有個侄兒馮二官

人、討着個揚州女子、沒包彈千伶百俐、吃盡了大

娘子千磨百難、還虧得俺楊奶奶在他大娘子跟

前、千方百計說合、放得他出來、冷落在孤山庄上、

楊奶奶則是怕他、使些計算、不時親去探望、又不

時送茶送水、如今楊奶奶隨老爺赴了任、臨去時

對老身說、你左右是空閑的身子、與我伴伴馮家

安得生救
時家相
以作看牙

的小青娘、承他嚴命、只得搭個身子在此、我眼裡

見了多少人家、七大八、不似這個、真是能詩能畫、

其實難捱過孤枕空床、馮二官人要來看他一次、

不是大娘命、門上人一個個不許放入、便是一絡

紙條兒、不去請問大娘、也不得擅自進進、教他冷

清清害出個病來、半個月水米不沾、倘若真真犯

着了蹺蹊的症候、怎麼好、怎麼好、望內介呀、又梳

洗出來也、

粉蝶兒旦上杏臉初勻翠眉邊舊愁鎖定嫗青娘為

何起得恁早。旦怪曉鶯兒攪得酸心百忙的卸寒衾。
粧寶髻步來芳徑。為何地下有些潤的。姬早間雨哩。
旦報道風雨零星。則那樹頭紅一年虛景。

姬青娘你前日畫那把米家山扇頭。馮官人可曾見麼。旦與他看甚的。

醉春風單則是山水自多情。盼不上書生真薄倖。墨花筆盡也痴心。守着個影影且索向細帙叢中。牙籤軸內別尋佳境。

旦倚桌翻書介。這一卷是牡丹亭。咳。杜麗娘煞有

情人也。

脫布衫可意處。夢到閨亭柳枝兒。擎得青青下場頭。梅窟裡孤清。又有那湯若士妙人兒。百般點染費臨川眼。稍覷定。

我道世間只有小青痴。得沒要緊。還有個杜麗娘。早則恁般也。姬不要說起牡丹亭。我老兒打從京

中來。聞得一件希罕的事。婁江有個女子喚名俞二娘。也像青娘。終日看牡丹亭。細細批閱了三冊。一病而死。如今還要看他怎的。旦原來如此。這事

未必該活也

青眼易逢青娘難得

文章不令人愁

不令人恨不令人死非

文也若士之後

幸有野

春皮衫

七

記得小六娘曾對我來、

小梁州情種婁江不忍聽。弄得個死死生生斷腸人。遇斷腸人按不定泉路一同行。

我近日夢聽盲詞把俞二娘這件事譜在琵琶婦口中到也新耳。[姬]大佛寺前王嫂嫂兩日不來了。可要喚他。[旦]且消停幾日。[姬]青娘我正要問你。你昨夜三更多天氣忽聽得夢中呶呶的說。又帶些哭聲却是怎的。[旦]我昨夜夢見小六娘說道一別不能復見。對我哭起來。我也同他哭醒。[姬]青娘不

曉得小六娘已死了也。[旦]驚介呀。有這樣事。幾時得信的。[姬]前日有人來說死已半月。因為到楊夫人任上去計了。所以家中倒知得遲。[旦]哭介我那小六娘呵。

么記南樓元夜情兒訂。把俺做姊妹樣看承話衷曲。評風韻恨別離無定。一去也作煙塵。

[姬]青娘你病壞的身子。且免愁煩。可飲些粥湯兒者。[旦]那里嚙得下。夜來剩下的半盃梨汁。可取來。聊解渴悶。[姬]取[旦]飲介。

情身 但不出手 如着 病不少

必哭也 六外又何 別不這小 子心法但

哀州冥 對之不

裁
老心
六
志

春波影

上小樓這盤兒不是金莖權當個瓊漿支應呀說了
這半晌身子好不耐煩也可早懨懨弱息冷冷空房
怯怯殘生瘦丰標緊着褪誰解我膏肓深病怕做夕
陽西碧桃花影

梅香上奉二娘之命聞得小青姐有恙着我送些
藥餌與你還請得太醫到來當面看一看二官人
李家賞牡丹臨晚或者來看一次也且拜覆二娘
藥餌我自收服脉却不消診了梅應下且擲藥嘆
介奴家雖不願生亦當以淨體皈依作劉安鷄犬

豈汝一盃鴆能斷送乎

么想來恨不禁覷來魂不寧不住愁腸不耐閑行不
遇知心有甚人到廣陵向俺慈親問訊作暈倒姬扶
叫介青娘甦醒咱且醒低唱俺待做花殘玉碎不圖
僥倖

姬青娘你恁般狼狽何不卸去衣飾待我扶你床
上安睡片時何苦坐在這裡且我性不喜蓬首偃
卧雖然身子不耐煩還待我在這裡擁襪危坐者
姬既恁般阿也隨你只是自古道病無良藥自解

自樂你詩又絕精、畫又絕妙、何不消遣些兒、旦長

吁科

滿庭芳你教咱驅煩送悶、花魂粉面總愁人、破工夫

將甚的消春病、猛地裏想到丹青、老嫫嫫、煩你傳語

冤業郎、覓一良畫師來、爲何不見咱、嫫二官人託我

對孫畫師說的了、他也忙得緊、早晚一定就來、不須

煩惱哩、旦唱慢拈拈寫咱瘦形、香艷艷畫出風神、若

此時不畱個模樣兒、我越瘦得不堪也、今春更比前

春恨一分流水、二分塵、不認的舊時人

李老扮畫師上、漢家自恨毛延壽、底事全憑顧虎

頭、自家杭城第一個傳真、有名畫師孫老官、更兼

做人至誠、因此內家們要寫行樂圖、耍子的、都作

承我後巷馮家有個小阿媽、在孤山住、也要傳個

樣子、早間有人催過了、不免逕入、見嫫介、嫫青娘

畫師來也、旦喜介、師父請少坐、待我換幾件衣服

兒出來者、暫下、李作咳嗽磨墨打稿子、介、旦上、介

老嫫嫫、你看穿插得好也、嫫讚介、李作低頭偷看

介

快活三旦咱這裡一件新件件新。李作細看畫介旦
您那裡一處真處處真。李老大娘坐正些。旦伊家手
筆莫消停。漸露嫦娥影。

李畫完了。旦待我對鏡兒看一看。覽鏡熟視介看
這丹青得吾形似矣。未盡吾神也。你且再畫一圖。

咱。李這大娘好難理會。又畫介。

朝天子。旦欠精。個中妙徑。寫不出些兒性。千般思省。
比擬他。厮稱要筆筆同明鏡。如見其人。如聞彼聲。兀
的不低。斗也低。低應。姬畫得好。耍子哩。旦雖然戲臨。

姬將完了。旦雖然已成。再看個風態如何。襯。

旦如前看介。神是矣。還欠些流動之致。我曉得了。

他見我目端手莊。矜持太過。必須再畫一幅。不要
拘束了。眼睛我自閒耍。你自臨摹。李這還使得。又

畫介。旦作與姬指顧語笑。或扇茶鐺。或檢書。或自
整衣褶。或代調丹碧。諸色介。

四邊靜。旦開顏微笑。茗火烟清。書史堪尋。整頓衫襟。
纖手調丹粉。這回教您畫出來。自然莫竝。

李畫完。旦如前看了喜介。如今却好了也。娟娟楚

我欲尚
生且且
師

每一句
自為一
轉如浪
生花

楚似秋海棠花老嫋嫋我有金錢一枚打發畫工
去者李謝了下旦老嫋嫋煩你掛在榻前待我奠
他杯酒兒〔姬作掛完〕旦奠酒介云小青小青此中
豈有汝緣分乎

耍孩兒你那里秋波滴瀝湘波冷長守着孤幃隻影
盃中梨酒莫辭傾小青兒是你前身博得個三更枝
上畱殘照煞強似二月街頭賣早春心如哽卿須憐
我我也憐卿

又暈倒介姬作叫醒介青娘爲何如此索寬解咱

拜月西
廟化工
也琵琶
畫工也
曲至此
是化是
畫

青水之神
五白之矣

四煞旦死生安足論衷懷沒處陳浙潮有信人無信
恨的是豪家公子心腸硬恨的是閩內冤仇陷阱深
黃泉近辜負你陳家老嫋單不見楊氏夫人

待我修一緘書煩你覓個便人寄與楊奶奶這春
容他們決要取看你只把第三圖藏得好者作寫

書介

三煞憑着你寄慇懃說事因生前影子珍藏定夫人
呵你朱門重到無人跡只有那片影桃花倩女魂情
難盡千愁萬怨短簡長吟

我之名山
不乞海客

身使我已
之二

春波影

遞書姬介你且收了書我有花鈿數事贈你女孩
兒咱做桌上扯紙包介姬看介這是青娘的詩稿
可要的且我身且不保那管甚麼詩詞姬收介青
娘還有甚分付

二煞旦枝頭風雨催舌底言辭哽你說與薄倖郎呵
好將白骨埋幽徑姬十七八歲的人正好快活奈何
至此且你道是紅顏二八同花俏却不道黃葉三秋
帶雨零肝腸送那里討千年花鶴只落得百歲為燐
你快扶我床上去者

尾聲相逢只此時後會全無準打疊起嶺上梅花血
浸喜的是小六娘在泉下等扶下

姬急上可憐可憐小青娘進得房去不及上床撫
几泪潛潛如雨一慟而絕我連忙着人去報馮二
官人為何日已將暮還不見來馮子虛急上適纔

正偷閑去看小青途間遇着侏兒報道小青已死
兀的不痛殺我也見姬介老嫫嫫我的小青在那

裡姬二官人怎把青娘撇在這裡別也不及與他
一別他如今睡在房中你自去看者馮我那小青

不叙

春波影

三

呵吾負汝吾負汝急下馬二娘急上我說道昨夜

燈花爆今朝喜鵲噪報道我這件快事那不成才

的畢竟在那里死聲活氣待我趕去看者

呀二娘二娘你家遭這樣變事馬唉介極平常極

爽快有甚麼變老嫫嫫我且對你說你如今像叫

化子逃走了猢猻沒得個弄了請興請興馮子虛

冲上呀娘你來了麼二娘不識羞沒廉耻的眼睛

哭得核桃般腫我如今來不為別事專要把這賤

人平日做的詩詞歌賦怕有嘲訕我的所在盡底

老見元

祐法公
神道木

拿來與我看馮他的詩本俱在案頭二娘這是詩

稿快燒快燒燒介還有畫的甚麼真容你到打點

見了他如在其上如在其左右也拿來我燒了嫫

背云不免權將第一圖哄他者轉云二娘圖在此

二娘快燒快燒又燒介如今是了我先回去指馮

云你若來遲少不得一夜的膝磕兒疼哩下馮老

嫫嫫有這樣事他身子雖死恰像生前無病的一

般越教人斷腸也作嘔介嫫呀二官人怎麼嘔出

血來事到如今苦他也濟不得甚事且自保重送

如
福
具
可

他殞殮者扶馮同下

第四齣

點絳唇卜兒道服幡幢隨上真假姻緣桃花人面登時變鶴筆翩翩借得那秋雲剪

貧道慧眼看來十年前說得那小青畢竟不出吾料拋却庸奴妬婦冥冥的來也待我指點他一番收作弟子令世上這一夥迷魂方信有才有色的到底生天俗眼俗腸的終須入地呀兀的不是小青來也且扮魂上別了人間走將來不知甚的所

將此不悲

動人

大堪
掃首

有十如
耐有情
若絲抽
之不斷
錦之

在見尼拜倒介是何神佛乞賜超昇尼小青起來聽咱說者且侍立介

混江龍尼情香色艷悲悲喜喜總堪憐也有那一生迷錦綉也有那半世萎花鈿得意價桃李春風紅燭夜失意價梧桐秋雨碧雲天抵多少新粧堪愛舊恨難捐金釵十二粉黛三千傾城傾國為雨為烟魂銷蘭麝腸斷詩篇春遊夜夜衰草年年消愁有句買賦無錢香分何處夢到誰邊最堪憐芙蓉帳底一宵眠也難禁牡丹亭畔三生怨這的是傷心綠鬢薄命紅

春波影
顏

我想起十年前對你家說你早慧福薄那時你還
少小不記得哩

油葫蘆此話包含已十年到如今天涯飄泊轉只博
得個馮家舊事供人羨冷孤山謝却梅花瓣病春容
藏却桃花面方纔想庸奴的恨不消妬婦的仇非淺
小青娘埋沒詩千卷剛剩得幾點落花箋

你如今隨了我呵吃的是梳水藕雪可勝却莖酒
梨漿穿的是霧縠霞衣可勝却裏朱外翠這世上

人都道是小青娘九泉含痛那曉得在三島逍遙
哩

天下樂你跨雀吹笙一晌間神也波仙神仙般姓氏
懸我恨不的把普天下薄命的佳人都收拾在玉樓
金鎖也倩娘行齊登離恨天俊才華闌苑花俏魂靈
弱水船恁時節方信道色中才應不賤

且請問大仙天上這等憐才何獨才子佳人不能
作配却是為何
大抵豬骨

那吒令尼你也思金堅石堅有幾個李家的易安你

上帝若
成玉極
為媒以配
玉極金鎖
才子終是
不肯命仙
居以知然

強如北說畢
竟先上云
云石口以交

念心

謹領有
何等曠

也。思夫仙婦仙有幾個吳家的。綵鸞你也思雙雙的。
美緣只有個少游的宅眷。那里討個個價鳳鸞。儔世
世價鴛鴦伴。不記得駿馬痴鞭。

小六娘仙妝上聞得小青娘到此。與他相見者。見
介呀。小青娘你在此也。旦呀。小六娘你先在此也。

打悲介。別後音容不堪具述。冥途聚首。何異生前。

鵲踏枝。尼您兩個猛地哩。話從前乍相逢。信有緣。可
記取燈下屏前幾年兒。同付春烟。問前生歡娛價。恁
淺剩香魂歸來似壁返珠還。

旦吾輩幸逢收錄。只不知那庸奴妬婦。到底怎生
結果。尼笑介。你還則恁般癡哩。你看當今世界。盡
如此輩。縱有報應。焉能挽回汝輩。既列上清視他
們。當如螻蟻犬馬。曾無可恨。止可憐耳。二旦云。承
大仙指教。令我輩心地豁然。

寄生艸。尼撇却生前恨。全憑悟後言。十二樓早改作。
宜春院。五城中已造下長生殿。萬年花也賽的河陽。
縣說甚麼夜臺滋味不殊斯。誰承望瓊樓風景真希
見。

侍女們、駕起幢幡寶蓋、大家歸去者、衆行介
么尼談笑皈依日、虛無縹緲間、棋中日月無人見、山
中寒暑無人辨、情中炎冷無人戀、問人間盡作小青
看、怎怕個回頭苦海茫、無岸、做到介、內吹打介
煞尾、您看重重雲浪鋪、細細天音按、吹綻了小桃紅、
艷春恨、秋悲都自遣、嘆婷婷的幾日子、蹣跚看孃孃
的幾人兒、活現爭如你、把這仙府芙蓉都踏遍、恰桑
田變遷、見滄波深淺、何必向邯鄲、竊聽呂公言
個個風流話、小青、孤山亦有牡丹亭

可憐未識生前樣、
不是芳魂隨影散、
春風吹出桃花水、

猶喜能傳歿後靈、
肯將艷曲帶愁聽、
腸斷殷紅化作萍、

新韻

盛明雜劇

新都昌朝汪廷訥著

山公王象坤

西湖彥雯汪 樗評

武林

士張穆四維

閱

廣陵月

韋將軍聞歌納妓

張才人度曲止喧

正名

祿山兵擾殘宮禁

廣陵月重會姻緣

第一齣

戀芳春

生扮韋將軍上博覽詩書精閑戎馬芳名播

滿乾坤指日丹書鐵券擬下楓宸況復襟懷灑樂怕

容、易、霜、凋、潘、髯、閑、評、品、自、歌、斷、韓、娥、阿、誰、重、奏、陽、春、
鵬、鵠、天、不、學、書、生、老、一、經、壯、猷、何、忝、舊、干、城、才、高、
定、遠、曾、投、筆、年、少、終、軍、欲、請、纓、詩、寄、傲、酒、陶、情、愛、
從、花、月、度、新、聲、曲、中、有、誤、周、郎、顧、羸、得、詞、場、獨、擅、
名、下、官、姓、韋、名、青、字、太、素、見、爲、驍、騎、大、將、軍、長、安、
人、也、幼、承、家、學、醉、心、孔、孟、之、書、長、慕、邊、功、銳、意、孫、
吳、之、術、我、想、雕、龍、繡、虎、雖、能、傳、瀛、選、于、一、時、不、如、
大、劍、長、鎗、自、可、覓、侯、封、于、萬、里、因、此、遠、拋、鉛、槓、專、
習、韜、鈴、今、上、講、武、新、豐、蒙、姚、司、馬、將、某、力、薦、于、天、

子、親、試、弓、馬、並、問、安、邊、之、策、龍、顏、大、喜、遂、被、殊、恩、
特、拜、斯、職、但、下、官、性、喜、吟、哦、兼、通、音、律、退、食、之、暇、
每、以、歌、兒、舞、女、自、娛、我、有、幾、個、相、識、的、樂、官、雖、嘗、
煩、他、來、校、正、其、板、眼、終、不、當、意、正、是、安、得、餘、姿、掩、
雕、扇、輕、輕、飛、落、畫、梁、塵、今、日、稍、閑、且、往、門、首、延、佇、
片、時、有、何、不、可、

懶、畫、眉、非、敢、雕、蟲、小、技、薄、言、文、只、爲、儒、冠、多、誤、身、不、
如、揮、戈、躍、馬、建、奇、勳、博、來、斗、大、黃、金、印、名、勒、燕、然、萬、
古、存、

京師既係四方奏集之處，况我所居在這昭國坊，又是通衢真好繁華也。

前腔門前車騎日紛紛，多少東西南北人，看他衣染洛京塵，欲求名利甘勞頓，何似我十載青雲已致身。

旦在內唱介生呀，耳邊廂忽聽得歌聲清亮，不知却是何人，只得在此少待。丑執拍板旦素粧同上。

前腔誰憐阮籍路途貧，按不住盈盈淚滿巾。丑孩兒，

我苦是理當，可惜你這般青年，怎捱寂寞。旦紅顏薄

命古曾云，怕你高年不耐饑寒困。合只得忍耻包羞

做乞人

生呀，原來是一個求乞的女子，却怎麼唱得這般

樣好，待我再聽。丑追憶當年出教坊，過雲聲裏姓

名揚，于今年老無衣食，攜得嬌娃入帝鄉。旦不抱

琵琶彈酒肆，權將檀板按新腔，掩淚介可憐，可憐，

五侯七貴門如海，青眼誰能顧道旁。丑我兒，且喜

入得都城，這昭國坊前，正是熱鬧之處，你將我夜

來教你的曲兒，唱一支，討得幾文錢也好。旦孩兒

理會得。旦唱丑拍板介

前腔東門有女集如雲。羅綺晴驕紫陌春。爭妍鬪麗
往來頻。落花有意。將弓鞋印。路上行人欲斷魂。

生呀。這女子不惟聲音嘹亮。亦且意態風流。到是
一箇尤物。不免喚他進來。詢問一番。多少是好。那
老者進來。我問你。丑旦老爹叩頭。生起來。你是那
裡籍貫。姓甚名誰。

宜春樂丑蒙尊問。聽訴陳。念張和家居永新。生是吉
州人。姓張。丑教坊卑末。但憑歌舞為資本。生原來是
個樂工。怪道唱的十分好。這女子莫不就是你生的

麼丑歎零丁膝下無兒。仗弱息年來隨趁。生你為甚
麼却來到此處。丑不堪受窘。向人求乞。暫度朝昏。

生女子。你現今多少年紀。喚甚名字。

前腔旦烟花市。蒲柳身。念紅紅生無二句。生十七八

歲正當妙齡。何乃埋沒窮途。奔走衣食。旦掩淚介家
寒命薄。五陵裘馬難親近。因此上按紅牙。短巷長街。
覓青蚨香消脂損。把嬌羞自忍。跳不出眼前窮限。若

箇温存。

前腔生背介聽他言詞慘。看他着黛顰。似枯魚遭逢

桐花隊
中有此
一字千
金者恐
三國周
郎又要
氣殺

不辰我心懷慷慨願將升斗蘇危困這女子甚當吾
意但不知他父親肯賣與我否論當場白雪堪誇便
十斛明珠何吝我須將伊面懇若是有緣千里問甚
冰人。

生轉向丑張老你桑榆遲暮怎當得衣食蕭條道
旁乞哀這也不是常策你女兒既有這般絕技便
將他與一箇仕宦之家圖些財禮有何不可丑掩
淚介苦呵小人亦曾思量到此只是年老孤身離
女孩兒不得旦亦掩淚介生你父子既不忍分離

我有一說我家姬妾雖多你若肯將女兒歸我我
必另眼相看且把你養贍終身使父子朝夕聚首
你主意若何丑待小人與女孩兒商議丑向旦我
兒這位老爹所言你肯聽從否

解三醒旦向丑低唱說不盡滿懷愁悶愧生來墮落
風塵丑我本是門戶出身何消埋怨旦誰知一貧至
此似飄萍斷梗無投處知甚日得歸根丑你既欲從
人不可失了這箇主兒旦我見他潘安容貌天生俊
想司馬才華定出羣只不知做甚麼仕宦須詳問但

得你衰年飽煖、我願托終身、

丑轉向生說了這一會話、却忘記問老爹尊姓、見居何職、**生**我便是驍騎大將軍韋太素、**丑**且驚云、呀、有眼不識泰山、原來就是韋將軍老爺、**丑**我兒、你今番嫁得着了、

前腔**丑**向生仰威名如雷斯震、更心田藹若春溫、**生**你既情願、却要多少聘財、**丑**只恐蒹葭倚玉無緣分、

這金帛再休論、**生**難道我白要你的女子、須從實說來、**丑**殘生但得霑餘潤、劣女何妨充下陳、**丑**且真

情順、蒙垂盼、犬馬知恩、

前腔**生**見他行全無推遜、纔邂逅便魚水相親、仙源有分何必桃花引、好教你貯金屋侍瑤尊、再休把歌喉畫逞長安市、只合夜伴襄王效雨雲、**合**添丰韻、看新粧改換、寵奪朱門、**下**

第二齣

遶地遊、**外**扮李龜年上、梨園職掌、寵倖徼天上、論簫韶九成奚讓、試看彩鳳來儀、太平有象、儘歡娛千秋未央、

君王樂譜手親刪。羯鼓聲高琴瑟閑。一日三郎度曲後。許多天樂在人間。自家李龜年。御前供奉。總領四部梨園樂官是也。今開元聖人。龍飛御世。不但鴻才駿略。永奠山河。亦且繡口錦心。兼長詞賦。春花秋月。盡粧點海宇昇平。暮管朝絃。只打疊官闡行樂。某幸蒙高力士薦拔。得受殊恩。雖不敢假虎作威。儘可以借光于日。選妓隨雕輦。惟是獨秉權衡。徵歌出洞房。別一個難容品藻。昨日萬歲爺在沉香亭。與楊娘娘賞牡丹。命李翰林新撰樂府

三章。雖逞天才。終乖律呂。我歸而製成一曲。名曰寄生草。即欲進御。恐其中字句尚有未妥。韋將軍素號知音。我特去與他商議一番。多少是好。正是白雪憑誰和。朱門且自投。
下生日上

絕聲色雙

憶秦娥。生心豪放。不期奇遇。從天降。從天降。綠珠姿態。韓娥伎倆。旦此身只擬溝渠喪。一朝提挈。青雲上。青雲上。恩波兼使。白頭無恙。

生自是三生幸。旦因教千里逢。生才傾歌舞隊。旦寵冠綺羅叢。奴家以烟花賤質。猥蒙相公收錄。青

眼相看，且使衰朽之親，並沾存活之惠，豈惟願操
帚終身，更欲效銜環九地，乞懷永念，勿使暫離。
我與你，乍見先已情投，一言便自機合，白首爲期，
丹青可鑒。

金梧桐生你似蘭從幽谷香。蓮向青泥長。况天付歌
喉定遇知音賞。今日呵深藏繡閣中。粧束皆宮樣。添
得丰神巧筆難摹倣。怎教人夢魂不戀陽臺上。
前腔旦慚非窈窕娘。辱侍將軍帳。只合翠袖殷勤勸。
展江湖量難將下里音。漫向金樽放。怕誤處多多惹

公瑾添惆悵。生我畱心音律，非止一年，到處聞歌，再
無出卿之右者。不盡揄揚，何勞謙遜。旦非奴故意虛
謙讓。

外上門前排榮戟，案上設琴書，爲何無人在此。我
只得呼喚一聲，韋將軍在家麼。生呀，有客到來待

我私覷一覷，向外覷介。低對旦云：原來是李供奉，
此人極精音律，當今天子第一喜他，你可在，此聽
他些議論。旦理會得。生出相見介。生正賦停雲句，
外來聆捉塵談。生供奉請坐，足下枉顧，有何見論。

外昨日萬歲爺在沈香亭賞牡丹命李翰林所撰樂府君侯曾聞否生佳則佳矣若論音節還讓足

下外某不揣謏陋歸而成寄生草一闕必先得君

侯訂過方敢進呈生待我命侍兒烹茶來領教外

不勞不勞生趨入對旦介你可用心聽他按拍旦

奴家當以小豆記之生出介願聞佳作外唱以手

掌拍板旦在內用小豆暗記介

北寄生草外正內苑情怡豫占三春景豔陽名花種

種尊前放芳樽日日花前釀新詞句句筵前唱拚着

這玉山頽償不盡好襟懷趁着那月華明看不足嬌

模樣

生鼓掌大叫妙哉妙哉不獨詞意擅場亦且板眼

合拍李翰林拜下風矣外卑人不避獻笑特求斧

斤似此獎譽過情恐失就正之意生趨入問旦卿

能得其節奏否旦已得之矣生出對外僕有一侍

兒久曾歌此應非新曲足下何相誑也外呀卑人

夜來方纔撰成誰道是舊曲果有能記者請試歌

之生向內云張姬可就隔屏歌與李供奉聽旦照

天下有此慧人

逢着知
已不覺
唐突

前唱寄生草介外用手拍板介外呀。綺庭玉樹聲。
聲自合鸞歌繡幌金荃字字偏諧鳳律不數四時
子夜絕勝舉國陽春君侯從何得此美人穎悟乃
爾生實不相瞞是下官新納之姬姓張名紅紅永
新樂家女也外君侯不罪龜年敢請一見生我正
要求君傳他心法相見何妨向內叫張姬快出來
拜見了李供奉且出拜外介大人萬福外還揖介
美人少禮君侯美人不獨記性非凡亦且按拍穩
協某先度此曲尚有一聲不穩今且賴彼正之矣

敬服敬服且奴家女流未閑律呂幸勿吝教請道
其詳

二郎神外重斟量我曾向詞源費審詳。天地元聲開
寶藏。名雖小技須教協律依腔。欲度新聲休忝樣。忌
的是。撓喉。捩。噪。縱。才。長。論。此。中。規。模。不。易。低。昂。

前腔。參詳。含宮泛徵。延聲促響。把仄韻平音分幾項。
陰陽易混。辨來清濁。微茫識透機關人鑒賞。用不着。
英雄鹵莽。更評章。歪扭捏。徒然玷辱詞場。
喙木兒生聞高論。闡秘方。張姬你須打疊精神相效

音節中
至言

做填詞念舊譜多訛。按拍祛俗學膏肓。改絃又慮翻新樣。循腔自可成絕唱。千載秦青遠繼芳。

前腔旦相公這李大人所言非虛謬真當行怪不得製作精工絢七襄。我從今後願潛心扇掩桃花敢胡歌浪逐霓裳。行雲不放青天往。輕塵飛落雕梁上。那時節衣鉢親傳大有光。

外當今天子雅好此道正恨會心無人

李三郎
為天子
真箇是
風流主

黃鶯兒燕趙滿昭陽。但徵歌願未償。似你美人這般聲色呵。六宮粉黛應皆讓。生他纔脫烟花這廂怎敢

望鑾輿那廂只合石家深貯藏。春帳旦按宮商得伊指教。幽思欲飛揚。

尾聲外高山流水琴中響。生旦幸遇着知音見賞合從此名馳花月場。

生張姬快分付庖人備酒。在後園與供奉少敘。外不勞不勞旦請坐還要領教下

第三齣

末扮高力士上紫禁鶯花滿玉除。終年出入侍鑾輿。莫言抽筆無文藻。狗監當年薦子虛。自家是唐

朝內使高力士官拜監門衛將軍、只今畫袴懸魚、朱扉施馬、殿頭供奉名掛着紫微垣中、班首傳宣、位列、在黃門郎上、司六宮之局鑰、問萬乘之寢興、真箇是貴極貂璫、寵倖無比、昨夜萬歲爺與楊娘娘、謙賞牡丹、十分沉醉、今日傳旨、免百官朝參、此時聖駕將起、我只得在這便殿伺候、道猶未了、李樂官早到、外上金縷歌聲細、霓裳舞袖長、明知傾內苑、特地薦紅粧、見末叩頭介、老公公、李龜年參見、末供奉免禮、外萬歲爺此時朱出、想必夜來中

酒末對此名花、忍不沉醉、內大呼、駕到、外末驚慌

跪伏介、小生扮明皇雜扮女官隨上

菊花新、小生、瞳瞳日色照龍樓、遙見南山紫翠浮、簾幙上金鈎、探花事且消、殘酒

親賢贏得固金甌、日日筵開花萼樓、夜向沉香亭上醉、翠盤猶記舞腰柔、寡人自登寶位、幸際昇平武戢聖功、文成睿藻、性格大饒風韻、聲歌盡入歡娛、知音度曲、三郎之絃索通神、掩扇回眸、妃子之容華絕世、况逢韶景、兼對名花、是以連夕飲興方

恨不燕

濃、且將朝政暫輟、今日不覺起得稍晏些、李龜年、
你曾度有新曲否、外臣啟萬歲、前見翰林李白所
撰清平調三章、臣不揣庸愚、勉強學步、因製寄生
草一闕、特呈御覽、袖中出詞稿介小生接上來、末
接稿送介、小生看介、絕妙好辭、卿卽歌與朕聽、外
唱前寄生草介、小生不意音律之和、至此卿可將
宜春院美人、作速教成、朕今晚要與妃子花前同
賞、外臣啟萬歲、宜春院美人雖多、所歌皆未盡善、
小生盡善的、却也難得、外臣昨日聽驍騎將軍韋

青、新姬張氏度曲、不獨聲音合拍、亦且穎悟絕倫、
宜春院美人皆所不及、小生怎見得、外臣偶歌新
製寄生草一曲、那張氏竟不須復歌、便自熟記、就
中間有不合拍處、他便就裡搜求、臣因欽服其技、
懇求一見、容貌又復絕世無雙、小生如此甚好、只
是朕怎生得見他一面、外此姬原係樂籍、韋青憐
其才而收之、小生旣係樂籍、見他也不妨、高力士、
速宣韋青並張氏入來、末領旨、爲啣天語去、特召
玉人來、虛下生日同上

遶紅樓生一曲梁州按未休君命召焉敢遲留旦畏見天顏趨前退後生美人我與你此去呵恐惹別離愁

末萬歲爺在便殿等待多時了入見小生跪伏介

末韋青張氏宣到生臣韋青率臣妾張氏叩見陛

下小生賜卿平身適纔李龜年奏張氏善歌不知

他係何方人氏卿從何得之一一奏來生這張紅

紅

石榴花是永新角奴從幼擅歌喉伊父挈入皇州向

人求乞為身謀恨陽春與里耳難投臣聞其聲偶爾賞鑒憐伊訴由願相畱庶免窮途走望天恩海嶽崇深赦微臣聲色貪求

小生張氏既然善歌可將新詞試唱闌與朕聽

翻 庭花盡

前腔旦唱外按拍介神霄絳闕麗日五雲浮開綺讌待宸遊雲和一曲倚筵篋冀君王轉盼回眸持觴勸酬見垂楊晷畫移清晝奉歡娛離輦行春怕淒涼統扇停秋

小生呀聽這曲豔麗中含蓄許多淒惋却是何人

所作旦跪介此宮中行樂之詞卽賤妾自擬爲者
泣顏回小生你不獨擅清謳詞源峽水同流論毛嫵
西子雖韶顏誇耀千秋爭似你錦心繡口這宮詞學
士應難就倘隨咱侍奉鑿輿肯教伊寂寞春秋

生跪云臣啟陛下張紅紅之歌旣當聖意臣願進
獻以侑萬年之觴乞恕臣罪小生卿意固美如奪
所好何外臣啟萬歲宜春院須得此姬提調庶樂
府方有正傳小生旣如此高力士可取黃金千兩
彩幣百端以賜韋青紅紅賜名永新卽封爲才人

使掌宜春院生日叩頭介臣等謝恩

前腔旦蒙收向仕女做班頭低對生唱縱新恩幸遇

舊德難酬生低對旦唱君王寵愛從教魚水相投小

生高力士快分付設讌花前朕欲同妃子聽才人度

曲末領旨先下合看花送酒向良宵細細把新聲奏

迓天庥國泰民安送年華趙舞吳謳下

第四齣

生查子末上富貴已傾朝恩寵應難報身叅侍莒闈
口代傳宣召

此古今所未有者真快事也

自家高力士是也。萬歲爺二月前在五鳳樓酺燕。命三百里內刺史縣令帥所部音樂集于樓下。各較勝負。端的是曠古奇觀。近日得了才人張永新。愛他歌舞迥異。特令他教習宜春院美人。昨晚傳旨欲今日賜大酺于勤政樓。放萬民縱觀歌舞。又是一場勝事。此時想筵席俱已整齊。不免親喚永新。走一遭去。正是預占春樓無限景。更聽風度管

絃聲下

前腔 旦 日照瑣窗高。宮樹啼黃鳥。珊枕夢初醒。離緒

知多少。

自誇歌舞勝諸人。博得君王盼。矧勤。祇為新恩承。漢苑舊歡如夢絕。音塵。奴家自領宜春院事。喜得衆美人俱已教成。因此至尊。越加寵愛。非蒙韋將軍將奴進御。何以至此。我思想他的恩情。今生定難再會。真好斷腸也。

一江風 暗魂消。鸞鏡羞重照。這幾日。呼韻減。崔徽貌。別侯門。一入深宮無計通音耗。聖上每聞奴家度曲。輒稱一字一金。雖然龍樓奪錦標。龍樓奪錦標。不是

我烏衣舊燕巢。愁只愁雲孤月寡紅顏老。

前腔。係心苗。怕女伴私相誚。勉強為歡笑。看眉梢有

恨常顰。盼不到御水流紅。小除非做玉簫。除非做玉

簫。姻緣兩世交。當今便有古押衙出世也。難教無雙

重把于飛效。

末上。九重春色滿龍樓。紅嶼晴花隔彩旒。聞有美

人新進入承恩。常得待宸遊。才人萬歲爺。今在勤

政樓。酬宴。你可快去伺候。旦曉得同行介。內傳呼

云。駕到。末旦跪伏道旁。介小生扮明皇。小旦扮貴

妃。生外王服淨楊國忠。貼旦老旦扮號秦二夫人

同上。末旦高力士張永新迎接萬歲爺。

一剪梅。小生九天閶闔降鸞鑣。樓入烟霄。樂奏簫韶

衆臣民何幸際唐堯。翹首烟霄。側耳簫韶。

小旦見介。賤妾叩見陛下。小生妃子起來。生外見

介。臣成器等蒙召赴宴。願吾皇萬歲。小生皇兄皇

弟免禮。淨貼旦老旦見介。臣楊國忠號國秦國。叩

見陛下。小生賜卿平身。臨江仙。小生太平有象春

如海。玳筵欲醉流霞美人粧。妬上林花。衆與民同

樂不負好年華。小生欲換新聲翻舊譜。瓊樓高啟窗紗。遍呼樂部選諸家。合踏雲。鶯管天路。玉京賒。

小生朕叨享成平、皆賴汝等協贊、况近得張永新、將宜春院美人教正音律、因此欲作樂樓中、大賜酺宴。眾陛下恩波俯及、臣等樂事仰同、快覩鳳儀、願歌魚藻。小生皇兄皇弟、燕設于樓東、楊國舅往陪、妃子宴設于樓西、虢國秦國往陪。眾叩頭云奉旨。各下外李龜年領樂人上歌樓對三道吹臺臨九重。鼓飛雲上鶴、笛奏水中龍。叩頭介李龜年率

領梨園子弟叩見爺爺。小生去樓下伺候。眾奉旨各下。小旦貼旦老旦上九重臨化日、萬國喜同風、試奏霓裳曲、行雲駐碧空。叩頭介宜春院美人叩見爺爺。小生起來伺候。眾奉旨。生外淨丑老幼百姓在內叫云我們進去看演樂、我們進去看演樂、小生為何這等喧鬧。末啟萬歲爺、這是眾百姓欲進觀歌舞。小生傳旨着他們進來。末聖上有旨着眾百姓進來。生外淨丑亂入。走介。

金錢花欣逢九塞烟消。烟消風流天子當朝。當朝聞

知歌舞出妖嬈。分御酒。賜珍庖。弛禁令。任醜醜。弛禁令。任醜醜。

〔小生高力士傳旨。衆百姓都集樓下聽歌。命光祿寺各賜酒肉。〕末傳旨介。衆呼萬歲介。末張永新奉觴。梨園子弟奏樂。旦送酒介。內作樂介。末樂止。美

人度曲

梁州序。三旦每唱一聲。衆人擠鬧未止。不住介。城開雙鳳樓。依三島。臣庶同瞻天表。三千粉黛。無非柳媚。花嬌。齊向瑤臺緩舞。玉榭清歌。伎倆施呈巧。怪人聲

偏洶湧似。濤絲竹難將音律調。〔合〕霓裳奏。金樽倒。羨王民千載同熙皞。歌湛露。誦天保。

〔小生怒介。高力士。百姓似此喧譁。不惟魚龍百戲之音不聞。亦且朝廷尊嚴之體安在。快把宴收了。起身欲行介。〕末跪介。奴婢啟上爺爺。萬姓騰懼。勢難遽寂。請命永新當樓歌一曲。必可止喧。〔小生這也說得是。永新快歌。〕小生坐介。衆人仍擠鬧介。

前腔。旦翠華臨幸。龍鱗飛耀。衆人側耳靜聽介。旦綺薄珠叢。香裊天顏有喜。九重春醉仙桃。我自舞慚飛。

燕歌謝韓娥。只恐誤惹周郎。請霞觴滿引。處卿雲飄。百寶欄前簇絳綃。合前

衆人齊聲喝采。介小生呀。永新纔一奏曲。廣場寂寂。若無一人喜者。聞之氣勇。愁者聞之陽絕。真是陽春絕唱。千古希音。

前腔 小生不須合梨園樂奏雲璈。單只按紅牙歌傳。窈窕見人人側耳。盡息喧囂。真個是遺聲振木遊響。停雲穩協雍門調。國中難屬和曲。彌高下里。巴人在見。嘲合前

小生高力士問光祿寺給散酒肉。完也不曾。末問介內應給散完了。

前腔 衆向小生叩頭唱祝吾皇壽比天高。祈母后齡同地老。更河清海晏。荒服來朝。但願椒房情洽。花萼恩深。宇宙同懽樂。人人依大造。近雲霄。鼓腹含哺滿路謠。合前

小生傳旨百姓皆散。朕將回宮。末傳旨介衆惟願一生同草樹。年年歲歲樂于斯。下內貴妃諸王等伺候謝恩。小生夜深免謝。內應領旨。小生醉態凭

旦肩介永新、你果然歌得好、**旦**跪介奴婢何當陛

下過稱、**小生**取巨觥來、我再飲幾杯、**旦**跪進酒介

節節高、**小生**樓回北斗杓、興偏豪、醉魂殢、殺媽然笑。

你年方少、顏正韶、歌真妙、**旦**詞場投得君王好、重瞳

一顧增榮耀、**合**拚取厭厭玉漏沉、明朝還有金錢召。

小生朕不飲了、起駕、**末**美人作樂、導駕回宮、**衆**作

樂行介

前腔、**合**鸞笙與鳳簫、間檀槽、鈞天一派歸途鬧、馳閣

道、墮翠翹、然犀照、月中簇擁如花貌、鳴環動珮香風

裏門開金鎖、六龍飛、人人霑醉天將曉。

尾聲、宮車輾處雷霆繞、回首樓頭燭漸消、嘹唳餘音

尚自飄。

第五齣

北新水令、**淨**扮安祿山、**丑**扮孫孝哲、**雜**扮軍上、**淨**神

謀秘計久安排、問腹中赤心安在、見如今干戈臨牧

野、眼見的麋鹿走蘇臺、壯志雄才、管一統乾坤大。

營州牧羊兒、生來有貴相、劉石亂中華、虜亦應天

象、自家大燕皇帝安祿山是也、夙秉奇姿、常懷大

志官居方鎮，爵拜郡王，天子殊恩，鐵券開裂，土之
賞貴妃寵愛，錦襪賜洗兒之錢，滿朝廷麟鳳，皆吾
腹心，盈邊塞虎狼，盡吾牙爪，招軍買馬，鐵騎如雲，
積草屯糧，金戈耀日，茲乘天子昏耄，更兼姦相弄
權，因此位僭東都，兵連番漢，可喜河北二十四郡，
勢如破竹，已克潼關，適纔探子來報說，車駕已往
馬嵬，將幸巴蜀，不乘此時急收長安，更復何待，我
已命孩兒安慶緒追殺天子去了，孫孝哲，你可去
攻破都城，我隨後便到，事定之日，論功陞賞，**丑**得

令

清江引淨都城一鼓應，奏凱取九鼎如拾芥，雖然胡
兒志願盈，不見妃子妖嬈態，恨三郎這般亂離中，還
戀色。

丑陛下休得焦嗔，臣此去收了長安，復提兵來馬
嵬，手奪楊妃，奉歸萬歲，**淨**拍手大叫，妙哉妙哉，若
得楊妃，我將天下分一半與你。

前腔丑君王福分應難賽，大業全收快，你休將羸弱
軀，枉把相思害，我把他奪將來也，願做箇乾娘拜。

淨快領兵前去齊喊下

香柳娘

去旦小旦扮宮娥外末扮老內侍慌跑上恨

胡奴不仁恨胡奴不仁翻江攪海這場禍事天來大

歎鑾輿避兵歎鑾輿避兵二旦丟下女裙釵外末衰

殘難布擺內鳴鑼喊介合聽軍聲到來聽軍聲到來

脚兒怎擡忙奔宮外跑下

前腔旦慌走介正教歌內庭正教歌內庭君王寵愛

不期天翻地覆遭驅害見宮娥亂逃見宮娥亂逃人

盡畏狼豺我孤身沒倚賴內鳴鑼喊介旦呀這喊聲

來的甚近想都城瓦解想都城瓦解須投草萊勢難

擔待跑下

前腔丑晉巾跑上歎年逃命乖歎年逃命乖貧方無

賴干戈平地將人駭雖喜逃出城來但身邊盤纏一

文也無如何是好只得前行再作區處行介旦急上

窄弓弓繡鞋窄弓弓繡鞋久未歷塵埃怎當這禁害

掩淚介可憐三千宮女怎麼沒一箇做伴同行我想

韋將軍此時必然也攜家而逃我曾記得他說有一

個姑娘嫁在儀真我只得找尋到彼或有韋將軍的

下落也未必、但不知儀真離此呵、隔幾多境界、隔幾多境界、我婦人家、如何擺劃、跳不出悶山、愁海、

丑望旦云那來的婦人、到是一箇奇貨、但不知他要往那里去、我上前問他一聲、
旦哭云如此亂離、兀的不苦殺我也、

前腔丑勸娘行放懷、勸娘行放懷、這場擾害、山河大地須臾改、何況你我、是時該命該、是時該命該、
旦奴家怎敢埋怨、只是家鄉遙遠、苦無同行之人、
丑娘子、家鄉在何處、
旦在儀真、
丑背身介這婦人身邊定有

盤纏、我只得就計而行、轉身向旦介我此行正要往儀真過、
旦呀、如此說、却是奴家之幸了、一路盤纏、皆在奴家身上、
丑理當奉陪、
旦拜丑介行住願相偕、朝昏望攜帶、
丑把愁眉暫開、把愁眉暫開、
合嫌疑莫猜、三生緣在、

第六齣

番卜算生國破與家亾、避地延殘喘、何時重整舊山河、遂我中興願、

一望長安萬事非、縱橫戎馬壯心違、更憂窈窕深

宮女、誰仗銀鑰一解圍、下官身受國恩、心慚莫報、
每見安祿山包藏禍心、幾番切諫、爭奈主上信讒、
反將下官疎斥、只得退休林下、不料這廝陡犯都
城、民遭屠戮、下官亦恐不免、因此挈家來到廣陵、
但不知日來聖駕安往、教韋青放心不下、

桂枝香 漁陽兵變、攪殘畿甸、改換了一代衣冠、竊據
了九重宮殿、恨營州牧兒、恨營州牧兒、全忘恩眷、翻
成讎怨、弄烽烟不將父母常推戴、甘使鑾輿遠播遷、
前腔 胡塵方搦、帝鄉難戀、暫從旅邸棲遲、還把姓名

更變。區區一身何足惜、惜千秋社稷、惜千秋社稷、干
戈難偃、被犬羊侵占、掩淚介 怎朝天、不能勾沉香亭
上。酣歌舞。他却在凝碧池頭奏管絃。

內請相公用晚飯。生掩淚介 哎、君父之讎不共戴
天、我今日偷生至此、死有餘愧、食忍下咽乎、正是
義不嘗周粟、行將餓首陽、虛下

小蓬萊 丑旦同上 丑 何處舊家庭院、望長安烽火相
連。旦 孤身逆旅、得伊提挈、免喪黃泉、

丑 去國離家為避兵、旦 不堪回首鳳凰城、丑 佳人

何幸逢萍水。旦。明月扁舟泊廣陵。丑。小娘子，我與你一路行來，雖擔了些辛苦，且喜雇得這隻船兒，明早揚帆去儀真不遠，只是你我何忍遽別。旦。重辱相攜，定當厚謝，方纔沽得一尊在此，與足下暫解塵勞。丑。多謝多謝。旦。斟酒送丑介。

排歌浪迹無依，萍逢見憐，潛身幸脫羶羶。丑。與卿合是有前緣。此夜開樽，月滿船。合。人星散命瓦全，斷腸回首各風烟。杯雖覆，恨轉牽，只落得江楓漁火對愁眠。

旦。丑。互勸飲介。生。同僕上。生。可憐一片城頭月，多少征人望故鄉。今夜月明如晝，且到水閣上闌闌。片時以消悶懷，有何不可。

皂羅袍。向晚寒潮如練，更涵來皓魄，分外澄鮮。哎。當此清光，不知張姬流落何所，嫦娥不獨歎孤眠，只怕妖蟆誤把蟾宮占。旦。勸丑飲。丑。醉倒先下。旦。呀。如何酒量這般淺，便已沉醉了。生。兵戈阻絕，音書怎傳。夢魂飛越，愁城轉堅，倩不得淮南雙鯉行方便。

旦。出船頭介。王生已醉卧艙中，奴家且對月少坐。

哎、奴家此去、不知得遇韋將軍的姑娘否、兀的不
愁殺人也。

前腔把酒思將愁遣。奈同舟作伴。肺腑難言。僕相公
你聽那隻船上。是美人的歌聲。生待我聽。旦恨胡奴
驀地犯中原。宮闈一旦遭兵燹。生呀。這好像是張姬
的聲音。小廝。我與你快放過船去。傍着他船邊。再聽
僕相公。天下人聲音。多有相似的。只恐不是張美人。
生你休延遲。快撐船去。生上船。僕撐近旦介。旦掩淚
介。我那韋將軍呵。朱門貴客。可得絲蘿再纏。紅顏薄

命。只恐溝壑竟填。張紅紅。這般運蹇呵。好似花飛無
主。枉把東風怨。

生呀。果然是張紅紅。不知他同着誰人到此。小廝
將船緊挨着他。待我好問。僕撐船介。生低喚介。張
紅紅。旦驚顧云。呀。這好像是韋將軍的聲音。僕到
也差不多兒。快過來。快過來。旦過生舟。抱生哭介。
相公則被你想殺奴家也。生兵犯宮闈。你怎生到
得此處。旦奴家逃竄出城。料相公必然避亂。遽難
尋覓。且往儀真。暫投你姑娘居住。路逢一姓王的

士人攜帶我來。生王生于今安在。旦方纔飲了幾
杯、醉卧船艙未醒、相公你却在那處。生我正欲往
儀真去、只因不得你的消息、

到底是
口角留
情

長拍生欲避胡塵、欲避胡塵、兼詢宮信、效鷓鴣一枝
權戀、闌凭溪水、憶玉人無限情懸耳畔、忽歌傳聽、過
雲聲、心知是舊時嬌倩、不意藍橋重得遇、乘月色照
嬋娟、我和伊緣分應非淺、似延津劍會、合浦珠還。
短拍旦自侍鑿輿、自侍鑿輿、遙分鶯燕、只道與君戾
斷絕姻緣、不料鞦韆驟喧天、只得傍人逃竄、正是情

知不是件事、事急且相隨、心還慮會逢無便、何幸扁舟
此際、一霎時缺月重圓。

旦奴家既遇相公、待那生酒醒、我便與他別了、何
如。生不可、不可、下官隱姓埋名、恐胡奴聞知、不當

穩便、你明早同他放舟前去、我命小廝駕船中途、
與你相遇、只道父母差來接你、你那時賚送他些
盤纏、與他分別、我在此相候。旦這主意甚妙、丑在

內叫小娘子、醉殺我也。旦呀、王生已醒、我且暫別
過船、先下。生小廝、撐船回水閣上去、丑應撐船介

尾聲生女牛。咫尺銀河遠。明夜橋從烏鵲填。不知何日干戈得晏然。下

第七齣

淨扮船家上。昨宵明月。今日順風。占盡風月。獨有。稍公客官。快起來梳洗了。趁風開船。丑旦同上丑快開船。快開船。趕到儀真去。淨撐船同行介。

步步嬌。丑夜月光搖。溪流淨。樽酒閑乘興。朝來未解。醒欲赴真州。掛帆烟艇。小娘子。一路行來。費了你許多盤纏。鄙心甚是不安。旦說那里話。丑只待胡虜四

郊平。那時我訪到令尊處。陪伊重返長安境。

前腔。旦滿目豺狼相凌併。少婦難僥倖。蒙君慷慨情。

舉手相援。脫身陷穽。我只怕到得儀真。丑到儀真却

怎麼。旦惆悵別離輕。愧無瓊瑤報答。全軀命。虛下。

前腔。僕搖船上。扁舟遵奉東君命。專把嬌娃迎。搖搖

數里程。他望眼將穿。怕做了尾生。孤行呀。遠遠見一

隻船來了。懸想那娉婷。中流應向蓬窗凭。淨撐船。丑

旦同上介。胡虜正縱橫。何年得返長安境。

僕望旦叫介。那船上兀的不是我家姑娘。旦叫介。

那船上兀的不是我家使者。僕老爹奶奶聞安祿山之變，特差小人尋訪姑娘迎歸家來居住。旦我也正來相投。僕快請過船來。丑呀，怎生就與你相別。

六么令旦中心咽哽，感謝君家，途路垂青，霎時分手，淚珠傾可恨，我已乏囊釵一股，贈君行。我此去在儀真住下，待君同把歸帆整，待君同把歸帆整。

前腔丑臨岐自省，你是鳥投林，撇我孤另，茫茫江海，歎飄零。金釵惠義非輕僕相送千里終有一別，何須

苦苦畱戀，快過去，開船。旦官人請了。旦過船介。丑旦拱手介。無端別在須臾頃，無端別在須臾頃。丑下

僕請坐定了，我從三汊河轉放船去。僕搖回船同旦行介。

江兒水生寄迹，因逃難憑誰得定，傾家園不問荒三徑。朝寧惟虞遷九鼎，干戈更恐戕羣命。晝夜關心成病。僕老爺兀的不在水閣上候你哩。旦望生叫介。相公奴家來也。生暫解愁腸，是重合菱花粧鏡。

僕撐船近岸介。旦上岸與生執手介。

五供養旦勞君待等幸得一時風順好趨扶搖直送
飛鵬生你在那人前不曾露出我的名姓來麼旦伊
方悲獨往寧復究他情我與你相逢水亭還疑是南
柯夢境生今日似七夕銀河上會雙星免教逆旅歎
零丁

末扮院子上叛臣今已滅捷報急須傳入見生介
稟老爺院子叩頭生你來了京師中虜勢若何

玉包肚末胡塵掃淨生是何人建此大功末是郭汾
陽雄威蕩平生天子已回鑾輿麼末自鑾輿遠幸西

川命儲君位正神京生呀新主既立張姬我卽當送
你入宮去旦掩淚介纔得聚首又欲分襟怎生是好
末請勿傷悲一封丹詔下彤庭生旦詔書怎麼說末
俱免舊日宮娥入鳳城

生這般說張姬你永絕掖庭之恩終作侯門之配
不違初願相守白頭旦舉手對天介謝天謝天生
院子快設酒筵一者慶聞捷音二者喜得歡會待
明日買舟還長安去末理會得

玉交枝生重逢堪慶况機槍欣傳肅清今宵預把歸

期定樽前歡奏新聲。旦枯魚幸然得再生。文禽依舊
成交頸。合免身爲浮花蕩萍。免身爲浮花蕩萍。
僥僥令合烽烟初罷。警琴瑟正宜鳴。昔日歌喉依然
在向秋月春花樂太平。

尾聲合長安日下乘歸興。麟閣雖慚未畫形。拚把妙
舞清歌過此生。並下

盛明雜劇

綠野堂無名氏編

西湖

上達黃之珪

閱

如道人黃嘉惠評

仲含吳國華

真傀儡

宋天子訪政舊中書

正名

杜祁公藏身真傀儡

社長上

鷺湖山下稻梁肥。豚柵鷄栖對掩扉。桑柘

影斜春社散。家家扶得醉人歸。自家桃花村兩箇
里長。我是孫三老。他是張三老。本村年年春秋二

閱此覺
不獨爭
名於朝
者可發
一噱即
退休林

社、釀錢置酒、做個大會、今次輪該我二人做會首、
聞得近日新到一班偶戲兒、且是有趣、往常間都
是傀儡粧人、如今却是人粧、的傀儡、不免喚他來
耍一回、言之未已、會中人早到、淨上自家趙大爺
是也、爲我父親做箇兩任省祭、在下隨任攻書、徹
古、通、今、做、箇、侯、門、教、讀、今日到桃花村看傀儡去、
左右、將我馬帶回去、着四人轎、絹簷傘、來候我者、
進介請了、衆請了、丑上自家商員外是也、原是鷄
肆裡出身、爲何叫做鷄肆、每日去街上扒沙、積攢

得箇小家當、鋪設門面、隣里奉承、我是箇官、坯都
喚我做商員外、今日人都去桃花村中看傀儡、我
也赴會去、童兒把我大皮箱、擡在門外、怕要賞人、
哩、進介請了、衆請了、淨丑我兩人在此、以後休要
放閑雜人來、怕他沒規、沒矩、不當好看、你們且擺
完酒席戲場、待傀儡來也、正末道袍騎驢上、老夫
姓杜、名衍、會稽山陰人也、官拜平章政事、封祁國
公、則我七十致仕、以來撚指的、又是二十年光景、
也、且喜蚤脫離鸞坡鳳掖、懶得又安排綠野平泉、

每日則是混迹市廛。隨緣過去。暗受些不知名的笑罵。纔降得人。我幢高權。趁些不可口的茶湯。纔填得。齏鹽債滿。閑蕭蕭。槐王化外。笑欣欣。竹馬群中。要煉得火氣全無。直待到世人不識。人都道我怡神適興。強鬧煖。這冷淡生涯。不知我避世逃名。故賣弄些風流罪過。卽今是社相公生日。又好去吃酒治龔。想我爲官時。汲汲波波。怎能勾有今日也呵。

新水令 二十年來不犯五更霜。則我這白襴袍。至今

無恙。乾坤打哄風雨亂排場。着甚忙忙。着甚忙忙。一任這嬾驢頭半街撞。

呀。這些攘攘的爲甚。原來是傀儡棚兒。我正要看傀儡哩。且拴住這驢者。拴驢進介。列位請了。丑。看你。不村不郭。是什麼樣人。來此怎麼。誰與你請。末。便請何妨。淨。我說道。不要放這等沒規沒矩的進來。衆大爺。原不該放他進來。丑。你莫不也要推在會裡麼。末。便是。也要看一看。丑。後來的。要出大分哩。將錢五貫來者。末。這箇到有袖中有太平寶鈔。

一錠不知幾貫拿去。淨嘆這老兒拿得出這錠鈔來。如今怎麼坐。衆自然大爺坐了。淨這箇我也決不讓他。丑近來新例貴不敵富。你也該讓我坐。淨你不怕我說出本色來。丑你又不怕我說出本色來。衆兩相讓些罷。鄉黨間只是序齒罷了。淨怎麼說箇鄉黨間。難道你衆人也與我序齒。末背唱

沉醉東風咳。他有幾床笏。恁般官樣。這有幾船茶。便會風光。淨丑指衆介。你衆人下些。不要沒規矩。衆不敢。末這須是野鷗席上。又不比鷺序鵷行。我一向只

道。宦途上難處。誰知道。這狠人心。到處炎涼。淨看末介。阿呀。到忘了你。你不富不貴。又不是會友。闖進來。也要坐。丑適纔既收了他的會錢。做箇方便。放他在擡角兒。捱捱罷。老兒勾了你了。末多謝多謝。一任你牛表沙。三自逞強。折末盡我官人們氣莽。

淨丑耍傀儡的。此時也該來了。耍傀儡上場打鑼。介西江月。分得梨園半面。儘教鮑老當筵。絲頭線尾暗中牽。影翻躑眼前。今古鏡裏。媼妍來了來了。內吹笛外扮少年官。扶醉丞相上官。跪諫相作惱。

介下衆這是什麼故事要這是漢丞相痛飲中書堂故事

清江引漢山河穩倩取干戈裏老丞相無些事畫箇太平圈守定蕭何律旁立箇醒人勸不得

衆問淨這丞相何名淨這是沛公左司馬曹無傷諧了沛公沛公做皇帝不記舊怨封他爲丞相什方侯他喜出望外因此日日爛醉末這是曹相國參不是左司馬淨偏你曉得他生出來就是丞相的起初也曾爲將來末是他曾爲將來

如此微古語語皆堪絕倒

十八拍則他雄赳赳驅兵將爲甚一堆兒酒魔上淨

對象也只是箇酒徒末微笑介是箇酒徒這的是調

和麪蘖成佳釀淨指末一坐人偏你多說只合着驢

嘴看戲罷了末耳邊廂嚷嚷心窩兒癢癢我想那做

宰相的坐在是非窩裏多少做得說不得的事不知

經幾番磨鍊過來除非是醉眠三萬六千場纔做得

二十四考頭廳相

耍又來了又來了二妓引丞相出妓舞相作歡喜

介衆這是甚的故事耍這是曹丞相銅雀臺的故

非經歷一過不能道隻字飲醉原勝伴食萬倍

事

滿堂紅銅雀飛來來也波來十二金釵釵也波釵歌
臺舞臺臺也波臺鵲兒垂臺也歪安在哉銅瓦千年
姓名改

衆問淨這又是誰淨這就是前面的老曹兒子小
曹了衆有趣這小的又風韻些強似老的只壹味
寡醉哩末咳曹孟德你好駸也

掛玉鈎笑煞你老精神也消磨錦瑟傍看這些俏香
魂容不得些兒長你使盡見識瞞得誰來剛贏得兩

接人觀
場癡人

說夢奇
絕誕絕

廿一史
亦古今
一大傳
奇耳

道墨掛在眉尖上衆好箇標致老丞相生出這樣花
嘴花臉的出來只是他衣冠動作像得爺好偶不瞞
你說一時扮不及把面子裝上去面子介衆笑介
原來就是一出戲什麼父子什麼父子要我們哩不
好換來末笑這些兒也爭差不多了一箇是這樣一
箇是那樣看這些依樣葫蘆也古來史書上呵知多
少李代桃僵

要兩番演的前朝故事你們爭是爭非如今要箇
眼前故事罷來了來了偶扮一丞相一夫人上又

一帝上帝作冒雪敲門介相出引進跪拜介帝與
相夫人指畫介衆這是誰要這是本朝趙太祖雪
夜訪趙普故事

寄生草這底是洒落君臣契底多少飛騰戰伐功當
夜裡九微燈影深深弄千門魚鑰沉沉動驚的這嫂
夫人喚醒鴛鴦夢則他丞相府共撮水晶鹽也強如
讀書堂捱徹酸齏甕

淨這箇故事我爛熟哩這皇帝是在下的祖宗這
趙普丞相是皇帝的哥子全憑半部論語幫助他

得了天下這論語家下有哩着實是本秘書指末
介你老兒像箇識字的這書可曾見麼末也曾見
來

殿前歡這滋味也曾嘗則這趙韓王呵他雲龍風虎
善施張也是他布衣兄弟好肝腸我想也波想我便
有硬手兒敢批黃則這生面兒也難投狀罷罷罷功
業讓與前人了只可笑趙韓王二百萬買第止得一
日臥遊爭如我二十年呵漁樵相傍這都是些無邊
界的相公庄

前導引朝使上自家小黃門官便是聖人有口勅
 着我宣問杜相公聽說道在桃花村看傀儡一徑
 到來進介那里箇是杜相公末怎麼到這裡來則
 老夫便是衆作驚介問淨什麼叫做相公淨想是
 秀才丑不是不是是外郎衆這樣怎值得天使來
 敢又是一起做戲的使相公朝廷有口勅宣你呢

末

雁兒落我今日將身在恁地藏這十行字誰承望使
 相公怎得箇朝衣謝恩纔好衆怎麼討起朝衣來末

此番演
 傀儡是
 真是幻
 念幻念
 真妙不
 容言

這區處怎得有來也罷將傀儡衣服權用一用罷衆
 驚介云怎麼戴起丞相帽來說死我也末只得演朝
 儀在傀儡場假金緋胡亂遮窮相

衆看衣介相公穿得來不稱體不好看哩末

得勝令顛倒着這衣裳裝扮的不厮像分明是木伴
 歌。登。場。上。身。材。兒。止。爭。些。短。共。長。拜。介。我。再。啓。首。吾
 皇。問。甚。麼。麥。熟。蠶。荒。狀。使。聖。人。道。相。公。有。補。天。浴。日
 手段。特。遣。相。問。今。日。保。治。之。道。何。者。爲。先。末。生。疎。了
 朝。章。捏。不。出。擎。天。浴。日。的。謊。

使老相公不須多遜，仔細條荅上來。

水仙子感皇慈特地相咨訪。我則怕沉閣了當時舊奏章。如今雖說是太平常言道，忙時用着閑時講。老臣前日備位時，常有三句話道：刑以不殺爲威，兵以不用爲武，財以不蓄爲富。今聞奉宸庫積有二百萬，何不盡發以賑饑民，可惜朽腐了先朝封庫椿。儘堪充雁鶩餘糧。臣又看得韓琦、范仲淹當代偉人，可使同心輔政。劉滬一時健吏，可令戴罪立功。則願的密結起麒麟網，高擎着鳳凰梁。便是老微臣諫草生香。

外報介：又有一箇內官來了。使下官先將老丞相

這話回覆聖人去。下中貴上扮二使執杖執杯隨

後直入介。聖人有密勅一道，着相公自看者。末接

跪稱萬歲作看介。諫議正言等衙門一本，杜衍三

公入市有失相體，幸賜貶放以尊朝廷事。這是箇

彈本淨丑怕也。莫不本上帶我們姓名，天使爺他

不是我會中人。使陡對末云：還有聖諭在後。末聖

諭道：諫官妄奏，觸忤老成。朕已畱中不發，卿此後

亦宜檢點出入，以答衆望。慚愧慚愧。

折桂令望我皇上呵休摧殘臺省鋒鏃已現獲着傀儡真賊臣則是潦倒行藏兒童猥傍野老相忘背介這些小後生落我計中也誰知我巧買脫喬名虛望還將我舊三公體面來降使聖人又着咱口問相公先生做官一廉如水致仕多年家業有無若何末臣有臣有只今日茶飯家常仰仗恩光還有這五枝楊柳八百枯桑

使聖人還有一道明勅對衆開讀者平章杜衍功成弼亮密贊尤多天佑忠貞躋茲上壽特賜白玉

靈壽杖一條赤金九霞杯一具有司月給廩米人夫代朕養老謝了恩者末萬歲萬歲萬萬歲丑淨有趣杜相公是我們會裏人這賞賜也該均分些衆你纔說道不是會中人來末

喬牌兒又費了朝廷萬石糧報答會無紙半張止餘得憂時白髮三千丈使非老相公大德怎當此寵眷來末說甚麼大德這的是傀儡場頭落來的賞

使下介衆拜杜相公恕小的有眼不識淨相公我原道你像箇識字的末列位說他則甚我脫去這

衣服你還認得我否。
〔脫衣介〕

鴛鴦煞尾。還了你粧門面的破衣囊。原歸我鄉祭酒。那窮門巷哥兒們也。則勸你無是無非。相親相讓。有馬同騎。有酒同噎。
〔對淨丑〕休誇你舞袖郎當。則我杜平章也。纔充箇社長。小哥。明年此日再來此處看傀儡。衆如今小的們不敢了。
〔末〕說那里話。惟祝願歲歲春王常聽。這古櫟叢中笑聲響。
〔下〕

〔衆〕那知道箇老兒。這樣大來頭。且是好相處。這會見。強似看戲哩。

清江引。我看那杜相公。真伶俐。脚色般般會。纔與說鄉情。又好陪皇帝。則教我世世的子和孫。伏侍着你。做戲的半真半假。看戲的誰假誰真。

杜相公好似騎驢的果老。

〔淨丑〕帶挈區區做第八位仙人。

身位位

國

國
分
會

